

VATANPARVAR



Сайтимизга ўтиш учун QR-кодини сканер қилинг.

O'ZBEKISTON

HAFTA ICHIDA

● Ўзбекистон Республикаси Президенти Шавкат Мирзиёев 2 февраль куни мамлакатимиздаги сиёсий партиялар раҳбарлари билан учрашди. Очиқ мулоқот чоғида партияларнинг жамиятимиз сиёсий-ижтимоий ҳаётидаги ўрни ва ролини ошириш масалалари, бугунги кунда улар олдида турган асосий вазифалар ҳақида атрофлича фикр алмашилди. Учрашувда Тадбиркорлар ва ишбилармонлар ҳаракати – Ўзбекистон либерал-демократик партияси, «Миллий тикланиш» демократик партияси, Халқ демократик партияси, «Адолат» социал-демократик партияси ҳамда Экологик партия, Олий Мажлис Сенати ва Қонунчилик палатаси раҳбарлари иштирок этди.

● Олий Мажлис Сенати Мудофаа ва хавфсизлик масалалари қўмитасининг парламент юқори палатасининг ўн иккинчи ялпи мажлиси олдида видеоконференц-алоқа тарзида мажлиси бўлиб ўтди. Мажлисида мамлакатимизда тошқинлар, сел оқимлари, кўчки хавфи мавжуд тоғ ва тоғолди ҳудудларида жойлашган аҳоли пунктлари ҳамда иқтисодий объектлар хавфсизлигини таъминлашга оид қонун ҳужжатларининг ижро этилиш ҳолати юзасидан Ўзбекистон Республикаси Вазирлар Маҳкамасига юборилган парламент сўрови натижалари дастлабки тарзда муҳокама қилинди.

ЎзА материаллари асосида тайёрланди.

БИР МАҚСАД ЙЎЛИДА



11 КОРОНАВИРУСНИНГ ЯНГИ ТУРИ ҚАНЧАЛИК ХАВФЛИ?

12 «ОДАМИ ЭРСАНГ, ДЕМАГИЛ ОДАМИ...»

8-бета



ҲАВО-ДЕСАНТ ТАЙЁРГАРЛИГИ ЎҚУВЧИЛАРДА ҲАВАС УЙҒОТДИ

Фарғона «Темурбеклар мактаби» ҳарбий академик лицейи ўқувчилари Шарқий ҳарбий округ Фарғона дала-ўқув майдонида бўлиб ўтган ўқув-амалий машғулотларини бевосита полигоннинг ўзидан туриб кузатишди. Бу сафар улар Ватан ҳимоячиларининг парашют билан сакраш машқларига гувоҳ бўлишди.

14 ЖИЗЗАҲДА ЁШ ВАТАНПАРВАРЛАР ЙИҒИНИ

21 ДУНЁНИНГ ЭНГ МАШҲУР ДЕВОРЛАРИ

Мудофаа вазирлиги тизимига оид сўнгги янгилıklar билан қуйидаги манзиллар орқали танишинг:

t.me/mv_vatanparvar_uz
t.me/mudofaa_press

facebook.com/UzArmiya

instagram.com/uzbekistanarmy

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ФАРМОНИ

2017 – 2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясини «Ёшларни қўллаб-қувватлаш ва аҳоли саломатлигини мустаҳкамлаш йили»да амалга оширишга оид Давлат дастури тўғрисида

Мамлакатимизда ёшларни ҳар томонлама қўллаб-қувватлаш ва аҳоли ўртасида соғлом турмуш тарзини қарор топтириш, юқори иқтисодий ўсишга эришиш ҳисобидан халқимизнинг фаровонлигини ошириш ва кундалик ҳаётидаги муаммоларни ҳал этиш, шунингдек, 2017–2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегияси ва Ўзбекистон Республикаси Президентининг 2020 йил 29 декабрдаги Олий Мажлисга Мурожаатномасида белгиланган вазифаларнинг ўз вақтида амалга оширилишини таъминлаш мақсадида:

1. Халқ билан очиқ мулоқот натижалари асосида тайёрланган **2017–2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясини «Ёшларни қўллаб-қувватлаш ва аҳоли саломатлигини мустаҳкамлаш йили»да амалга оширишга оид Давлат дастури** (кейинги ўринларда – Давлат дастури) иловага мувофиқ тасдиқлансин.

2. Коронавирус пандемияси шароитида **тадбиркорлик субъектларини қўллаб-қувватлаш чораларини давом эттириш** мақсадида қуйидагиларнинг амал қилиш мuddати **2021 йил 31 декабрга қадар** узайтирилсин:

туризм, транспорт ва умумий овқатланиш соҳаларида фаолият юритаётган субъектларнинг ер ва мол-мулк солиғи бўйича 2021 йил 1 январь ҳолатига қарздорлиги тўланиши;

Ўзбекистон Республикаси Президентининг 2020 йил 19 мартдаги ПФ–5969-сон Фармонида назарда тутилган вақтинча қийинчиликларни бошдан кечириётган хўжалик юритувчи субъектларнинг мол-мулк солиғи ва ер солиғи бўйича 2020 йил 31 декабрь ҳолатига кўра, мавжуд қарзига **пеня ҳисобланишини тўхтатиш ва солиқ қарзини мажбурий ундиришга қаратиш чораларини кўрмаслик талаби**;

коронавирус пандемияси даврида Ўзбекистон Республикаси Президенти томонидан тадбиркорлик субъектларига 2020 йил 31 декабрь ҳолатига қолдиқда турган **мол-мулк солиғи ва ер солиғи бўйича берилган фойсиз кечиктириш (бўлиб-бўлиб тўлаш) суммаси**;

«хуфиёна иқтисодиёт» улушини қисқартириш учун солиқ аудити ўтказишда **«таҳлика-таҳлил»** тизими босқичма-босқич жорий этилган ҳолда солиқларни ва бошқа мажбурий тўловларни ўз вақтида тўлаб келаётган кичик тадбиркорлик субъектларида **солиқ аудити ўтказилишига маторий**.

3. **Ёшларни қўллаб-қувватлаш, ижтимоий муҳофазага муҳтож талабаларни ҳимоя қилиш тизимини такомиллаштириш, ижтимоий адолат тамойилини таъминлаш мақсадида** 2021/2022 ўқув йилидан бошлаб:

а) олий таълим муассасаларига кириш имтиҳонларида энг юқори балл тўплаган **200 нафар** ёшлар учун Ўзбекистон Республикаси Президенти гранти жорий этилсин.

Олий ва ўрта махсус таълим вазирлиги Молия вазирлиги ва Давлат тест маркази билан биргаликда **2021 йил 1 апрелга қадар** Ўзбекистон Республикаси Президенти грантини ажратиш тартибини ишлаб чиқсин ва олий таълим муассасаларига кириш имтиҳонларида балл тўплаган шахслар тўғрисидаги очиқ маълумотларни назарда тутувчи ягона электрон реестрни шакллантирсин;

б) олий таълим муассасасида икки ва ундан ортиқ фарзанди шартнома асосида ўқиётган оилаларга таълим кредити бериш ва талаба томонидан ушбу кредитни ўқиш даври тугагандан сўнг қайтариш амалиёти йўлга қўйилсин.

Молия вазирлиги Марказий банк билан биргаликда **икки ой мuddатда** мазкур амалиётни йўлга қўйиш ҳамда Давлат бюджети маблағлари ҳисобидан тижорат банкларида кредитлар учун мақсадли ресурслар ажратишни таъминлаш чораларини кўрсин;

в) олий таълимга ажратиладиган давлат грантлари сони **25 фойсга** ҳамда эҳтиёжманд оилалар фарзанди бўлган хотин-қизлар учун давлат грантлари сони **2 бараварга** оширилсин, шунингдек, хусусий олий таълим муассасаларида мутахассис-



ларни тайёрлашга давлат гранти бериш тизими жорий этилсин.

Иқтисодий тараққиёт ва камбағалликни қисқартириш вазирлиги манфаатдор вазирлик ва идоралар билан биргаликда 2021/2022 ўқув йили учун ўқишга қабул қилишга давлат буюртмаси параметрларининг тубдан қайта кўриб чиқилишини таъминласин;

г) академик таътил беришнинг қуйидаги тартиби ўрнатилсин:

академик таътил олишни истаган талабалар **ўз ихтиёрига кўра академик таътил мuddатига таълимнинг сиртки ва масофавий шаклига ўтказилиб** (агар олий таълим муассасасида бундай таълимнинг шакллари мавжуд бўлса), уларга узлуксиз мустақил таълим олиш имконияти яратиласин;

оиласининг бетоб аъзосини парвариш қилиш сабабли аънанавий шаклдаги таълимни давом эттириш имконияти бўлмаган талабаларга ҳам академик таътил олиш ҳуқуқи бериласин;

талабаларга ўқиш давомида академик таътил берилиши бўйича миқдорий чекловлар бекор қилинади;

академик таътидан қайтган талабаларни илгари ўзлаштирилган фанлар бўйича қайтадан ўқитиш амалиёти бекор қилинади.

Олий ва ўрта махсус таълим вазирлиги Таълим сифатини назорат қилиш давлат инспекцияси билан биргаликда **бир ой мuddатда** академик таътил олишни истаган талабалар томонидан сиртки ва масофавий шаклда мустақил таълим олишни ташкил этиш, олий таълим муассасаларида экстернат тартибиде таълим олиш бўйича ҳуқуқий асосларни яратишни назарда тутувчи қарор лойиҳасини Вазирлар Маҳкамасига киритсин;

д) илмий унвон ва илмий даражаларни бериш ваколати **2021 йил 1 сентябрдан бошлаб** республиканинг нуфузли олий таълим муассасаларининг илмий кенгашларига босқичма-босқич ўтказилсин.

Вазирлар Маҳкамаси ҳузуридаги Олий аттестация комиссияси Инновацион ривожланиш вазирлиги ҳамда Олий ва ўрта махсус таълим вазирлиги билан биргаликда уч ой мuddатда илмий даражали кадрлар тайёрлаш ва олий таълимдан кейинги таълим соҳасида давлат бошқаруви тизимини янада такомиллаштириш бўйича Ўзбекистон Республикаси Президенти қарори лойиҳасини киритсин.

4. Республикада талаб юқори бўлган касблар бўйича иқтидорли мутахассисларни нуфузли хорижий таълим, илмий ва бошқа муассасаларда тайёрлашнинг самарадорлигини тубдан ошириш мақсадида **2021 йил 1 апрелдан бошлаб**:

«Эл-юрт умиди» жамғармаси орқали нуфузли хорижий олийгоҳларнинг магистратура ва докторантурасида ўқишга юбориладиган ёшлар сони **5 баробарга** оширилсин;

«Эл-юрт умиди» жамғармаси ҳисобидан хорижда бакалаврият таълим дастурлари бўйича ўқитиш тизими жорий этилиб, 2021 йилда **100 нафар** ёшларнинг хорижга таълим олиш учун юборилиши таъминлансин;

«Эл-юрт умиди» жамғармаси таълим дастурла-

ри бўйича номзодларни саралашни очиқ стипендия танлови асосида Ўзбекистон Республикасининг барча фуқаролари учун уларнинг республикадаги иш ва ўқиш жойидан қатъи назар мунтазам равишда ўтказиш амалиёти йўлга қўйилсин;

бакалаврият, магистратура ва докторантурада ўқиш дастурлари учун стипендия танловини нуфузли хорижий таълим, илмий ёки бошқа муассасадан ўқишга қабул қилиш тўғрисидаги таклифнома асосида ўтказиш тартиби йўлга қўйилсин.

«Эл-юрт умиди» жамғармаси бир ой мuddатда давлат хизматчилари ва мутахассисларни хорижда тайёрлаш тизимини тубдан такомиллаштириш бўйича аниқ чоралар кўрсин.

5. Халқ таълими вазирлиги, Олий ва ўрта махсус таълим вазирлиги, Фанлар академияси ва Инновацион ривожланиш вазирлиги **уч ой мuddатда физика фани ва чет тиллари** бўйича узлуксиз таълим сифати ва натижадорлигини ошириш бўйича қуйидагиларни назарда тутувчи комплекс дастурларни ишлаб чиқсин:

илмий тадқиқотларни ривожлантириш, таълим ташкилотларида мазкур фанларни ўқитиш методикасини қайта кўриб чиқиш, амалий ва инновацион лойиҳалар танловларини ташкиллаштириш, соҳадаги илмий ташкилотлар фаолиятини такомиллаштириш;

янги авлод, шу жумладан, электрон дарслик ва ўқув курсларини яратиш, шунингдек, ўқувчиларнинг амалий кўникмаларини шакллантириш мақсадида ўқув дастурларида амалий ва интерфаол машғулотларнинг улушини кўпайтириш;

хорижий тилларни ўрганиш учун кенгроқ имконият яратиш мақсадида бепул тил ўрганиш электрон платформаларини яратиш;

ихтисослашган мактаб (синф)лар фаолиятини босқичма-босқич йўлга қўйиш, уларни олий таълим ташкилотлари ҳамда ишлаб чиқариш корхоналари билан ўзаро боғлаш ҳамда хорижий мамлакатлардан ўқитувчиларни жалб этиш.

6. Жисмоний тарбия ва спорт вазирлиги Миллий олимпия қўмитаси ҳамда Туризмни ривожлантириш давлат қўмитаси билан биргаликда уч ой мuddатда **2025 йилда Ўзбекистонда ёшлар ўртасидаги IV ёзги Осиё ўйинларини ўтказишга** пухта тайёргарлик кўриш ишлари бўйича чора-тадбирлар дастурини ишлаб чиқсин ва унда қуйидагилар назарда тутилсин:

республикада мавжуд спорт объеклари ва иншоотлари, логистика, транспорт ва меҳмонхона инфратузилмасини ўрганиш натижасида Осиё Олимпия Кенгаши ва халқаро спорт федерациялари талабларига мувофиқ уларни таъмирлаш ёки янгиларини қуриш бўйича таклифларни тайёрлаш; ёшлар ўртасидаги IV ёзги Осиё ўйинларига тайёргарлик кўришнинг бош режасини унда белгиладиган ҳар бир тадбир бўйича молиялаштириш манбаси ва масъул ижрочини кўрсатган ҳолда тузиш;

Осиё Олимпия Кенгаши талабларига Асосан ёшлар ўртасидаги IV ёзги Осиё ўйинлари дастурига киритиладиган спорт турларини саралаб олиш ва ўйинлар дастурини ишлаб чиқиш босқичларини белгилаш.

7. **Аҳоли саломатлигини мустаҳкамлаш** ва ижтимоий ҳимояни кучайтириш мақсадида:

а) **2021 йил 1 июлдан бошлаб** «ҳамширалик иши» билан мустақил шуғулланиш учун ўрта тиббиёт мутахассисларига ўзини ўзи банд қилиш асосида рухсат берилсин;

б) **2021 йил якунига қадар** меҳрибонлик уйларининг уй-жойга муҳтож 900 нафар чин етим битирувчилари уй-жой билан таъминлансин.

Молия вазирлиги кейинги йиллар учун бюджет параметрларини шакллантиришда меҳрибонлик уйларининг уй-жойга муҳтож етим битирувчилари ва ота-онасининг қарамоғидан маҳрум бўлган болаларни уй-жой билан таъминлашга маблағлар ажратилишини назарда тутиб борсин;

в) **2021 йилда 22 та** мактабгача таълим ташкилоти бинолари, **31 та** янги мактаб, **16 та** олий таълим муассасалари бинолари, **24 та** соғлиқни сақлаш объеклари ҳамда **23 та** спорт объекларининг қурилиши таъминлансин.

ШАРҲ

Ҳар қандай соҳа ижодий қобилият, илмий ёндашув, тинимсиз изланиш, билимларни қиёсан ўрганиш, мавжуд муаммоларга ечим топиш, илғор тажрибалар таҳлили ҳамда янги технологияларни жорий қилиш орқали ривож топади. Жумладан, ҳарбий соҳа ҳам. Бу жараёнда иқтидорли ёшлар миллатнинг, давлатнинг қудратини намоён қилади.

ИЛМИЙ САЛОҲИЯТНИ МУСТАҲКАМЛАШ ЙЎЛИДА

Мамлакатимизда 2019 йил Ахборот-коммуникация технологиялари ва алоқа ҳарбий институти, 2020 йилда Ўзбекистон Республикаси Қуролли Кучлари Ҳарбий тиббиёт академияси ташкил этилди. Ҳар икки олий ҳарбий таълим муассасаси ҳам мамлакат мудофаасини таъминлаш, қўшинларнинг ҳар жиҳатдан тайёргарлигини юксалтиришда муҳим ўрин тутиб, замонавий талабларга жавоб берадиган кадрларни тайёрлаш, қайта тайёрлаш ва малакасини ошириш, халқаро таълим стандартларига асосланган илғор педагогик ва инновацион технологиялар, замонавий ўқув дастурлари ва ўқув-услубий ёндашувларни кенг жорий этиш, мавжуд муаммоларнинг ечимига қаратилган фундаментал, амалий ва инновацион илмий-тадқиқот ишларини йўлга қўйиш борасида фаолият олиб боради.

Мазкур олий ҳарбий таълим муассасаларида ҳарбий илмий-тадқиқот ишларини янада ривожлантириш мақсадида яқинда яна бир муҳим ҳужжат имзоланди. Ўзбекистон Республикаси Вазирлар Маҳкамасининг 2021 йил 23 январдаги қарори билан Ўзбекистон Республикаси Қуролли Кучлари Ҳарбий тиббиёт академияси ҳамда Ўзбекистон Республикаси Мудофаа вазирлиги Ахборот-коммуникация технологиялари ва алоқа ҳарбий институтида илмий-тадқиқот фаолиятини ривожлантириш жамғармалари ташкил этилди.

Тасдиқланган низомга кўра, жамғармалар маблағлари олий таълим муассасалари томонидан кўрсатиладиган пуллик хизматлар ҳисобидан тушадиган маблағлар, юридик ва жисмоний шахсларнинг ҳомийлик хайриялари ҳамда қонун ҳужжатлари билан тақиқланмаган бошқа манбалардан шакллантирилади.

Жамғармаларнинг 75 фоиздан кам бўлмаган миқдордаги маблағлари қуйидагиларга сарф қилинади.



Олий таълим муассасаларининг илмий-тадқиқот фаолиятини амалга оширувчи таркибий бўлинмалари моддий-техник базасини мустаҳкамлаш тадбирларига, шу жумладан:

– миллий армияни ривожлантириш, Ўзбекистон Қуролли

логик жиҳозлар билан таъминланган илмий лабораторияларни ташкил қилиш бўйича тадбирларга;

– таркибий бўлинмаларни замонавий асбоб-ускуналар билан қўшимча жиҳозлаш ҳамда зарур бўлган сарфлаш матери-



Кучларининг жанговар шайлиги, таъминоти, мудофаа салоҳиятини ривожлантириш соҳасидаги илмий-тадқиқот ишларига;

– илғор илмий-тадқиқотлар ва қидирув ишларини ўтказиш учун принципиал жиҳатдан янги, замонавий юқори техно-

аллари ва бутловчи буюмлар билан узлуксиз таъминлаш бўйича тадбирларга;

– етакчи электрон илмий маълумотлар базаларидан эркин фойдаланишни таъминлаш ҳамда илмий натижаларни нашрларда, шу жумладан,



халқаро нашриётларда босишга тайёрлаш бўйича харажатларни тўлашга;

– техника, ҳарбий-техник мулк, илмий ва махсус адабиёт, модернизация қилиш ва таъмирлаш ҳамда илмий, илмий-тадқиқот ва инновацион фаолият режалари доирасида ўтказиладиган тадбирларни, халқаро ҳарбий ва ҳарбий-техник ҳамкорлик тадбирларини молиялаштиришга;

– илмий кенгаш томонидан тасдиқланган инновацион, амалий, функционал илмий лойиҳаларни молиялаштиришга;

– олий таълим муассасаларининг илмий-тадқиқот фаолиятини амалга оширувчи таркибий бўлинмаларга юкланган вазифаларни бажаришга йўналтирилган тадбирларга.

25 фоиздан кам бўлмаган миқдордаги маблағлар алоҳида ўрнатилган илмий-тадқиқот фаолиятини амалга оширувчи ҳарбий хизматчилар, Қуролли Кучлар ҳарбий хизматчиларини моддий рағбатлантириш бўйича тадбирларни молиялаштиришга, уларга илмий йўқларни учун пул мукофотлари тўлаш ва тақдирлаш учун қимматбаҳо ҳамда эсдалик совғалар харид қилиш учун фойдаланилади.

Юридик ва жисмоний шахслар томонидан кўрсатилган ҳомийлик хайриялари тўлиқ суммаси, агар ҳомий билан аниқ мақсадлар учун йўналтирилиши келишилмаган бўлса, илмий-тадқиқот фаолиятини амалга оширувчи таркибий бўлинмаларнинг моддий-техник базасини мустаҳкамлаш учун сарфланади.

Ўзбекистон Республикаси Қуролли Кучлари Ҳарбий тиббиёт академияси ҳамда Ўзбекистон Республикаси Мудофаа вазирлиги Ахборот-коммуникация технологиялари ва алоқа ҳарбий институтида ташкил этилган мазкур жамғармалар юқори малакали, иқтидорли мутахассисларни қўллаб-қувватлаш, илмий салоҳиятни мустаҳкамлаш ва ҳарбий фандаги илмий-тадқиқотлар ва ишланмаларнинг ягона комплексини ташкил этишга, қўшинлардаги соҳага оид муаммоларни фундаментал ўрганиш ва уларга ечим топишга хизмат қилади.

Фурқат ЭРГАШЕВ,
«Vatanparvar»

МАРДИ МАЙДОНЛАР

Муддатли ҳарбий хизматга отланаётган йигитлар билан бўладиган суҳбат чоғида уларга асосан бир савол берилади: хўш, оддий аскар Фалончиев, қаерда хизмат қилишни хоҳлайсиз? Хушёрроғи: «Республиканинг ҳар қандай ҳудудида хизмат қилишга тайёрман!» деса, соддароқ йигитлар: «Шу уйимга яқинроқ бўлса, девдим...» қабилдаги жавоблар билан суҳбатни қизитади. Аслида, аскар ҳар қандай вазият ва шароитда ҳам юрт ҳимояси учун шай турмоғи, ўз йигитлик бурчини онадек муқаддас Ватан тупроғи қўриқлови йўлида шараф билан адо этмоғи лозим!



юқори профессионалликни талаб этади. Бунинг устига тинимсиз ёққан қор тизангдан ошиб елкангга қадар етиб турса, вазиятнинг нақадар мураккаб эканини англайсан. Юрт ўғлонлари денгиз сатҳидан 2 000-3 000 метр баландликдаги мана шундай мураккаб ҳудуд, ўзгарувчан об-ҳавога қарамай, берилган топшириқларни аниқ ва сифатли бажаришмоқда.



БИР МАҚСАД ЙЎЛИДА

Маълумки, Қуролли Кучлар таркибига кирувчи қўшинларнинг ҳар бири ўз йўналиши ва вазифасига эга. Лекин жанг шароитида улар бир мақсад йўлида кураш олиб боради: Ватанни ҳимоя қилиш. Шундан келиб чиққан ҳолда, бугун куч тузилмалари ўртасида ҳамкорликдаги ҳаракатларни мувофиқлаштириш борасида қатор ишлар амалга ошириляётир.

Тошкент вилоятининг Бўстонлик туманида жойлашган Мудофаа вазирлиги Тоғ тайёргарлиги ўқув-машқлар марказида Мудофаа вазирлиги, Миллий гвардия ва Давлат хавфсизлик хизмати Чегара қўшин-

лари ҳамкорлигида навбатдаги ўқув курси ўтказилди.

Куч тузилмалари жипслигини янада мустаҳкамлаш, ўз мутахассисликлари бўйича билимларини ошириш мақсадида ташкил этилган мазкур ўқув курсида ҳарбий хизматчилар тоғ тайёргарлигига оид билим ва малакаларини мустаҳкамлашмоқда.

Албатта, тоғда машғулот олиб бориш, у оддий бўладими ёки мураккабми, берилган вазифани бажариш ҳарбий хизматчилардан





Бунда ҳудуднинг географик тузилишидан келиб чиққан ҳолда ҳаракатланиш тартиби, хавфсизлик қоидалари ҳамда тоғ анжомларидан тўғри фойдаланиш усуллари алоҳида эътибор қаратилди. Кундузи ва тунда олиб борилган ўқув машғулотлари давомида юрт ўғлонлари қояга кўтарилиш ва тушиш, қулай жанговар позицияни эгаллаш, дарё ва сойлар сингари табиий тўсиқлардан ўтиш каби ўндан ортиқ йўналишларда машқлар бажариб, ўз маҳоратларини оширишди.

Ўқув курси давомида тоғда отиш тайёргарлигига ҳам алоҳида эътибор қаратилди. Чунки қўшин қанчалик қулай жанговар позиция эгалламасин, агар у душманга етарлича талафот етказа олмаса, нишонга олишда хатоликка йўл қўяверса, барча ҳаракат нолга тенг бўлади. Шу боис тепадан пастга ва пастдан тепага отиш кўникмасини оширишга мўлжалланган алоҳида ўқув жойларида ҳам маҳорат яна бир бор синовдан ўтказилди.



Бир сўз билан айтганда, ҳамкорликда олиб борилган мазкур йиғинда миллий армиямизнинг доимий жанговар шайлигини ошириш, сарҳадларимиз дахлсизлиги, осойишталигимиз барқарорлиги ва мустақиллигимизни кўз қорачиғи каби асрашдек устувор мақсад мужассам.

**Лейтенант Ислонжон ҚЎЧҚОРОВ,
«Vatanparvar»**



ҲАВО-ДЕСАНТ ТАЙЁРГАРЛИГИ

Фарғона «Темурбеклар мактаби» ҳарбий академик лицейи ўқувчилари Шарқий ҳарбий округ Фарғона дала-ўқув майдонида бўлиб ўтган ўқув-амалий машғулотларини бевосита полигоннинг ўзидан туриб кузатишди. Бу сафар улар Ватан ҳимоячиларининг парашют билан сакраш машқларига гувоҳ бўлишди.

ЎҚУВЧИЛАРДА ҲАВАС УЙҒОТДИ



Ҳарбий хизматчиларнинг парашют билан амалий сакраш машғулотларига киришиши аввалида уларнинг ахлоқий-руҳий ҳолати ҳар жиҳатдан муҳимдир. Зеро, билим ва тажрибаси етарли, билаги кучга тўлган ҳар қандай инсон ҳам руҳий барқарор ҳолатда бўлмаса, ўз зиммасига юкланган вазифани тўла адо эта олмаслиги мумкин. Мана шу жиҳатдан келиб чиққан ҳолда йигитларнинг руҳий ҳолати яна бир бор ўрганилди ва шундан сўнг машғулотларга киришилди.

Албатта, ҳар бир ўқув машғулоти ўзининг ғоявий мақсадига кўра, турли кўриниш ва шаклларда бўлиб ўтади. Уларнинг аксариятида эса асосан шахсий таркиб ва йўриқчилардан бошқа иштирокчиларни учратмайсиз. Лекин бу сафар юрт ўғлонларининг ҳаво-десант тайёргарлиги машғулотларида олган билим ва кўникмаларини амалда синаб кўришини ҳарбий академик лицей ўқувчилари ҳам бевосита кузатди. Ушбу машғулот мамлакатимизнинг эртанги тақдирини ҳал этадиган, юртга таянч, элга суянч бўла оладиган ёшлар кўз ўнгидан бўлгани ҳам аҳамият-



лидир. Бунинг муҳимлиги шундаки, барча жараёни ердан диққат билан кузатиб турган бу ёшлар орадан кўп вақт ўтмай, парашют билан кўкда кўриниш бериши ҳеч гап эмас. Ана ўшанда улар ўз кўнглидан ўтган завқ



Парашют билан амалий сакрашга киришган ҳарбий хизматчиларнинг хавфсизлик қоидаларига риоя этиши ҳарбий округ қўшинлари ҳаво-десант тайёргарлиги бўлими офицерлари томонидан назорат қилиб борилди.

Шу куни «Темурбеклар мактаби» ўқувчилари кўкда қалқон, ерда посбон ҳисобланувчи десантчилар маҳоратини кузата туриб, танлаган касбларидан фахрланишди, олдиларида турган машаққатли йўл синовлари учун ўзларига куч олишди.

**Шарқий ҳарбий округ
матбуот хизмати**



ва ҳавас туйғусининг ўткинчи эмаслигига ишонч ҳосил қилишлари керак.

Даставвал юрт посбонлари кун тартибига кўра, ўзларига бириктирилган парашютлар билан амалий машғулотлар ўтадиган майдончага етиб келишди. Бу ерда машғулот раҳбари томонидан ҳарбий хизматчиларга парвоз олдиан сўнгги кўрсатмалар берилди, лозим даражада алоҳида шўғулланиш ишлари олиб борилди ва шу тариқа ўқув нуқталаридан ўтиш машғулотлари бошланди.

ИМТИЁЗ

Айни кезде муддатли ҳарбий хизматни ўтаётган аскарлар йигитлик бурчини адо этиб, ҳадемай, ўз оиласи бағрига қайтади. Айни паллада азамат ўғлонлар армия ҳаёти ва жанговар машғулотларда тобланибгина қолмай, олий ўқув юртига имтиёз асосида кириш учун тегишли тавсияномага эга бўлишлари мумкин. Ушбу имконият уларнинг олий маълумотга эга бўлишида қўшимча имтиёз тақдим этади.

Чирчиқ гарнизонидаги ҳарбий қисм муддатли ҳарбий хизматчилари ана шундай сарҳисоб синовини Чирчиқ олий танк қўмондонлик-муҳандислик билим юртида топширдилар. Қуролли Кучлар сафида муддатли ҳарбий хизматни ўтаётган ҳарбий хизматчиларга тавсиянома бериш бўйича тест синовлари Вазирлар Маҳкамаси ҳузуридаги Давлат тест маркази томонидан ўтказилди.

Тест саволларининг умумий сони 100 та бўлиб, уларнинг 40 таси жанговар тайёргарлик, 20 таси маънавий-маърифий тайёргарлик, 10 таси математика, 10 таси физика, қолган 20 таси мантиқий топшириқлар бўйича

ИСТИҚБОЛГА ЙЎЛЛОВЧИ СИНОВ



Муаллиф суратга олган

тузилган. Мазкур имтиҳон Адлия вазирлиги томонидан 2020 йил 31 январда рўйхатдан ўтказилган «Муддатли ҳарбий хизматни ўтаётган ҳарбий хизматчиларга Ўзбекистон Республикаси олий таълим муассасаларига ўқишга кириш учун тавсияномалар бериш тартиби тўғрисидаги низом» асосида ташкил этилди. Холислик ва шаффофликни таъминлаш мақсадида тест ўтказилган аудиторияларга видеокузатув камералари ўрнатилди.

Синов аввалида имтиҳон топширувчиларга Давлат тест маркази мутахассислари жавоблар варақасини тўлдириш, регламент сингари масалаларни атрофлича тушунтирди. Шундан сўнг ҳарбий қисмда хизмат бурчини ўтаётган Ватан ҳимоясидаги йигитлар шу вақтга қадар эгаллаган, сержант ва офицерлардан ўрганган билим ва кўникмаларини намоён этди.

Тест натижаларига кўра, ҳарбий қисм қўмондонлигининг тегишли тавсияномасига эга бўлган фуқа-

ролар юртимиздаги олий ҳарбий таълим муассасаларига ўқишга киришда тест синовлари натижаларига кўра тўплаган балларининг 50 фоизи миқдорида қўшимча балл шаклидаги имтиёзга эга бўлади. Олий таълим муассасаларида эса улар учун ажратилган алоҳида квоталар (умумий квотанинг 5 фоизи миқдоридаги ўринлар) доирасида беллашади ва бунда қўшимча балл берилмайди.

Дилшод РЎЗИҚУЛОВ

ИСЛОҲОТЛАР САМАРАСИ

КАТТА ҲАЁТГА ЙЎЛЛАНМА

Жануби-ғарбий махсус ҳарбий округда йигитлик бурчини ўтаётган муддатли ҳарбий хизматчилар ҳарбий қисм қўмондонлигининг тавсияномасини олиш учун тест синовларини топширдилар.

Қашқадарё вилоятининг тегишли туманлари ва Қарши шаҳрида муддатли ҳарбий хизматни ўтаётган аскарларнинг тест синовларини ўтказиш учун олдиндан жиддий тайёргарлик кўрилди. Синовларни ўтказишда ҳаққонийлик ва шаффофликни таъминлашга алоҳида эътибор қаратилиб, бунинг учун аудиториялар видеокузатув мосламалари билан жиҳозланди. Жараёни бевосита кузатиб бориш учун тажрибали мутахассислардан назорат гуруҳлари ташкил қилинди.

– Бугун мақсадим сари яна бир муҳим қадамни қўйдим. Тест саволларини қийналмасдан ечдим. Бунда шу пайтгача олган билимларимиз, қолаверса, ҳарбий хизмат давомида ўқиб-ўрганганларимиз асқатди. Сўнги хулосада жанговар ва маънавий-маърифий тайёргарлик машғулот-



ларида қўлга киритган ютуқларимиз ва намунали ҳарбий интизомимиз ҳам ўз аксини топар экан. Умид қиламанки, тавсияномани қўлга киритиб, санъат йўналишидаги олий ўқув юртига ўқишга қираман, – дейди Тошкент вилоятилик оддий аскар Санжарбек Аҳматов.

Давлатимиз раҳбарининг тегишли қарорига кўра, Ўзбекистон Республикаси олий таълим муассасаларига ўқишга кириш учун тест синовларига тайёргарлик кўриб, ҳарбий қисм қўмондонлигининг тегишли тавсияномасига эга бўлган абитуриентларга мамлакатимиздаги олий ҳарбий таълим муассасаларига киришда тест синовларида ўзлари тўплаган баллнинг 50 фоизи миқдорида қўшимча балл тақдим этилади.

Армия катта ҳаётга қадам қўяётган ҳар бир ўғил учун муносиб йўлланма беради. Жанговар ва маънавий-маърифий тайёргарлик машғулотлари, мустаҳкам интизомга асосланган ҳарбий ҳаёт аскарларни ҳар томонлама тоблайди. Бугунги кунда миллий армия ўғлонларимиз учун чинакам мардлик, фидойилик, ҳақиқий ватанпарварлик мактабига айланди. Бу ҳақиқатни ота-оналар, бутун халқимиз ўзгача ғурур, миннатдорлик билан эътироф этмоқда.

Шароф ЭРМАТОВ,
Давлат тест маркази
Қашқадарё вилояти бўлими бошлиғи

ТАЪЛИМ

Бугун жаҳон сиёсий майдонида ахборот урушлари, тинчликка раҳна солувчи турли таҳдидлар сони кўпаяр экан, уларга қарши собит тура оладиган, маънан ва жисмонан етук Ватан ҳимоячиларини тарбиялаш, мамлакат муҳофизат салоҳиятига эътибор бериш асосий жиҳатлардан бири ҳисобланади. Уз фикрига, дунёқарашига эга ҳарбийлар нафақат армия нуфузи, юрт тинчлиги учун, балки келажак авлод тақдири учун ҳам ғоят муҳимдир.

Ўзбекистон Республикаси Президентининг 2019 йил 24 октябрдаги «Ўзбекистон Республикаси олий таълим муассасаларида захирадаги ва резервдаги офицерларни тайёрлаш тизимини янада такомиллаштириш тўғрисида»ги қарорига мувофиқ, олий таълим му-



ассасаларининг ҳарбий кафедралари тугатилди. Ўзбекистон Миллий университети ҳарбий кафедраси базасида Ҳарбий тайёргарлик ўқув маркази ташкил этилди.

1 февраль куни Ўзбекистон Миллий университети ҳузуридаги

ҲАРБИЙ ТАЙЁРГАРЛИК ЎҚУВ МАРКАЗИ



Ҳарбий тайёргарлик ўқув марказининг очилиши ҳамда ўқув йили бошланишига бағишланган тантанали маросим бўлиб ўтди. Майдонда кўр тўкиб турган йигитларнинг ҳаяжонга тўла қалб садолари Ўзбекистон Республикаси давлат мадҳияси билан ҳамроҳанг тарзда теваракка ёйилди. Тан-

танали маросимда марказ бошлиғи полковник Шавкат Ўринов, Ўзбекистон Миллий университети ректори ўринбосари Камалиддин Мирзааҳмедов, Ўзбекистон журналистика ва оммавий коммуникациялар университети Босма оммавий ахборот воситалари ва

ноширлик иши факультети декани Акбар Нурматов сўзга чиқиб, талабаларни қутлуғ кун ва ўқув машғулоти бошланиши билан қутлади, самимий тилаklarини билдирди.

– Марказда 30 та ҳарбий мутахассислик бўйича резервдаги ва захирадаги офицерлар тайёрланади. Умумқўшин тайёргарлиги, артиллерия, тарбиявий ва мафкуравий ишлар, фронт орти ва молиявий таъминот каби ўнта циклда машғулоти талаб даражасида ўтказилиши учун барча шароитлар яратилди. Зарур

жиҳозлар, ўқув қўлланмалари, соҳага оид техник воситалар билан тўлиқ таъминланди. Педагогик жамоа бой тажрибага эга офицер ўқитувчилар билан бутланди. Марказимизда таҳсил олишни истаган талабалар 3-босқич таҳсилдан кейин танлов асосида саралаб олинди. Тегишли имтиҳон, синов ва кўриклардан муваффақиятли ўтган талабаларни ўқишга қабул қилишда уларнинг билим бўйича рейтинг даражаси ҳам инобатга олинди. Ҳарбий тайёргарлик машғулоти учун ажратилган 528 соатнинг 78 соатида ўқув йиғинлари, яъни амалий машғулоти ўтказилади, – дейди марказ бошлиғининг тарбиявий ва мафкуравий ишлар бўйича ўринбосари подполковник Шухрат Ашуров.

Белгиланган низомга мувофиқ, талабаларнинг ҳарбий тайёргарликдан ўтиш давридаги билими тегишли тартиб асосида баҳоланади. Ҳарбий тайёргарлик бўйича якуний давлат аттестациясини топширган ва бакалавриятнинг тўлиқ курсини муваффақиятли якунлаган талабаларга «лейтенант» ҳарбий унвони берилади ва улар ҳақиқий ҳарбий хизматга чақирилади ёки резервга ёхуд захирага ўтказилади.

Камола АДҲАМОВА,
ЎЗЖОКУ ҳарбий
журналистика йўналиши
талабаси



МУЛОҚОТ

ЭРТАМИЗ ЭГАЛАРИ БИЛАН УЧРАШУВ

Самарқанд ҳарбий прокуратураси ташаббуси билан Марказий ҳарбий округ қўмондонлиги ҳамкорлигида шаҳардаги 41-умумтаълим мактабда ўқувчилар иштирокида «Прокурор ва ёшлар» учрашуви ташкил этилди.

Дастлаб юртимизда амалга оширилаётган ёшларга оид давлат сиёсати, улар учун яратилган имтиёзлар, давлат раҳбарининг 2020 йил 25 декабрда Ўзбекистон ёшлари

форумидаги маърузаси ҳамда Олий Мажлисга ва Ўзбекистон халқига йўллаган Мурожаатномаси мазмун-моҳияти юзасидан тушунчалар берилди.

Тадбирда ўқувчиларнинг тарихий китобларга қизиқиши юқорилиги, бироқ мактаб кутубхонасида бу йўналишдаги китоблар етарли эмаслиги аниқланиб, ҳарбий прокуратура ходимлари томонидан тарихга оид китоблар, шунингдек, жисмоний тарбия машғулотида фойдаланиш учун спорт анжомлари тақдим этилди.

Муסיқа йўналиши бўйича тўғарақларда иштирок этиш истагини билдирган ўқувчи Жавоҳир Асламов Марказий ҳарбий округ Самарқанд гарнизони маънавият ва маърифат мар-

казидаги тўғарақка жалб қилиниб, мурожаати ижобий ечим топди.

Кун давомида «Ватанпарвар» маҳалласидаги 2-мактабгача таълим ташкилотидан тарбияланувчилар билан она Ватанга садоқат ва келажакдаги орзулари ҳақида қизғин суҳбат қурилди. Болажонлар ҳарбийларга ўзлари ёд олган Ватан ҳақидаги шеърларини айтиб бериб, мурғак қалбидаги юртга муҳаббат туйғусини намоён қилдилар.

Боғчада рассомлик машғулотларини самарали ташкил қилиш учун болажонларга ўқув қуроллари тўхфа этилди.

Тадбир давомида фарзандини мактабгача таълим ташкилотига жойлаш истагини билдирган ҳарбий хизматчи Неъмат Полвоновнинг мурожаати ижобий ҳал қилинди.

Адлия полковниги Одил ЎСАРОВ,
Самарқанд ҳарбий прокурори

КОРОНАВИРУСНИНГ ЯНГИ ТУРИ ҚАНЧАЛИК ХАВФЛИ?



Коронавирус пандемияси инсоният учун юқумли касалликлар мавжудлигини яна бир бор эслатиб қўйди. Касалликнинг оғирроқ кечиши ва нохуш оқибатларга олиб келиши мумкинлиги инсонларнинг хавотирига сабаб бўлмоқда. Ҳозирги кунда юртимизда коронавирус инфекцияси бўйича эпидемик вазият қисман барқарор бўлса-да, касалликнинг олдини олиш учун барчамиз масъулликимизни унутмаслигимиз лозим.

Жаҳон соғлиқни сақлаш ташкилоти маълумотларига кўра, дунёда коронавирус инфекциясини юқтирганлар сони 102 миллион 83 мингдан ортиқни ташкил этмоқда, шундан 2 миллион 209 минг киши вафот этган. Ҳар сутка давомида дунёда ўртача 500 мингдан ортиқ коронавирус билан касалланиш ҳолати қайд этилмоқда.

Барча вирусларда бўлгани сингари коронавирусда ҳам мутацияга учраш жараёни юз берди.

КОРОНАВИРУС ҚАНДАЙ МУТАЦИЯГА УЧРАДИ? УНИНГ ЯНГИ ТУРИ НИМА УЧУН ТЕЗРОҚ ТАРҚАЛМОҚДА?

Коронавирус инфекциясининг янги тури 2020 йилнинг сентябрь ойида Англиянинг жануби-шарқидаги Кент графлиги ва Лондонда олинган 2 та намунада топилди. Вирус бурун ва томоқдан олинган намуналарда топилган ва вирус миқдорининг кўплиги, унинг юқиш даражаси одатдагидан юқорилигини англатади. Коронавируснинг янги турида 23 та генетик ўзгариш бор. Уларнинг айримлари вирус сиртидаги тикансимон оқсилларда мужассамлашган бўлиб, олимларнинг фикрига кўра, бу генетик ўзгаришлар инсон танасидаги тўқималарни эгаллаб олишини осонлаштиради.

Коронавируснинг янги тури Буюк Британияда аниқланганлиги сабабли олимлар томонидан унга шартли равишда «Британча штамм» ёки VOC – 202012F01 деб ном берилди.

Буюк Британия соғлиқни сақлаш вазири Мэд Хэнкокнинг ЖССТга



берган баёнотига кўра, «Британча штамм»нинг юқиш эҳтимоли юқорилиги, инсон организмида тез касаллик келтириб чиқариши ва болаларда ҳам ушбу касаллик қайд этилиши таъкидланган. Ҳозирги кунда ушбу касаллик 50 дан ортиқ давлатлар аҳолиси орасида тарқалди.

«БРИТАНЧА ШТАММ»НИНГ COVID-19 ДАН ҚАНДАЙ ФАРҚИ БОР?

COVID-19 дан фарқли ўлароқ, «Британча штамм»да касалликнинг клиник аломатлари кўп ҳолларда бўлмаслиги, лекин айрим ҳолларда қорин соҳасида оғриқлар, бош оғриши, ич бузилиши, ич кетиши ва болаларда томоқ оғриши, қисқа йўтал, иштаҳанинг пасайиши, тез чарчаш каби клиник белгилар, бундан ташқари, чақалоқларда кўп йўғлаш кузатишмоқда.

Касалликда асосан 3 та клиник белги мавжуд:

1. Тана ҳароратининг юқори бўлиши – 37° С ва ундан баланд.
2. Доимий йўтал.
3. Таъм билмаслик.

Касалланганларнинг асосий қисмида юқоридаги белгилардан, албатта, биттаси кузатишмоқда. Касалланганлар орасида ўлим даражаси юқори, аммо илмий асослар мавжуд эмас.



ЎЗБЕКИСТОНДАГИ ЭПИДЕМИК ВАЗИЯТ

Афсуски, Ўзбекистон Республикасига Бирлашган Араб Амирликларининг Дубай шаҳрига сафар қилиб, 2021 йилнинг 23 январь куни Тошкентга қайтган юртдошимизда «Британча штамм» аниқланди. Ушбу беморда касалликнинг белгисиз шакли кузатишмоқда ва ҳозирда унинг ҳолати қониқарли.

Эпидемик вазиятни барқарорлаштириш мақсадида ҳозирги кунда Ўзбекистон ва кўпгина давлатларда Британияга чегарадош хорижий давлатлардан авиақатновлар тўхтатилди, Ўзбекистонда 2021 йил 1 февралдан бошлаб 1 мартгача ушбу давлатлардан ташриф буюрган фуқаролар тўғридан-тўғри киритилмасдан, 14 кунлик карантиндан сўнг рухсат этилиши йўлга қўйилди. Бу жараёнда республикага ташриф буюрган фуқаролар экспресс-тест усулида бирламчи текширилади, таҳлилнинг мусбат натижасига кўра, махсус шифонага ётқизилади ва тақрибан полимер занжир реакция (ПЗР) усулидаги текширувда мусбат натижа кузатилса, намуналар Ўзбекистон Республикаси Инновацион ривожланиш вазирлиги қошидаги Илғор технологиялар марказида мутацияга учраган «Британча штамм» мавжудлигига охири хулоса берилди.

«БРИТАНЧА ШТАММ» ПРОФИЛАКТИКАСИ

Профилактик чора-тадбирлар COVID-19 билан бир хил тарзда олиб борилди. Жумладан, хоналарни тез-тез шамоллатиш, доимо қўлни совунлаб ювиш, махсус гелдан фойдаланиш, ниқоб тақиб юриш, шамоллаган беморлар билан мулоқотни чеклаш, йўтал ва аксирганда, оғиз ва бурунни дастрўмол ёки қўл билан ёпиш, жамоат жойларида ижтимоий масофани сақлаш лозим.

Минг афсуски, коронавируснинг британча турида болалар ҳам касалланишини ҳисобга олиб, мактабгача таълим ташкилотларида, мактаблар, билим юртларида касалланишнинг олдини олиш талаб этилади.

Вирус таркибидаги ҳар қандай ўзгариш вакцинани самарасиз қилиб қўйиши мумкинлиги борасида хавотирлар мавжуд, аммо оммавий эмлашнинг йўлга қўйилиши пандемияга барҳам бериш учун етарли.

Барчамизга маълумки, юқумли касалликлар тарқалишининг олдини олиш бўйича энг самарали йўл бу – иммунизация (вакцина билан эмлаш) тадбирларидир.

Юртимизда Хитойда ишлаб чиқарилган янги коронавирус рекомбинант вакцинаси хавфсизлиги ва COVID-19 тарқалишининг олдини олиш самарадорлигини аниқлаш мақсадида III фаза клиник тадқиқотларини ўтказиш режалаштирилган бўлиб, 9 000 нафардан зиёд кўнгиллилар орасида эмлаш тадбирлари ўтказилмоқда. Республикага 8 нафар хитойлик мутахассис ташриф буюрган, бугунги кунда Инновацион ривожланиш вазирлиги билан ҳамкорликда III фаза клиник босқичи ўтказилмоқда.

Коронавирус инфекцияси профилактикасига йўналтирилган маблағ уни даволашга кетадиган харажатдан бир неча баробар кўп самара беради.

Бундай тадбирларнинг барчаси инсон ҳаётини асраш, халқимизнинг саломатлигини муҳофаза-лаш, келажак авлодни соғлом ва баркамол этиб вояга етказишга йўналтирилган.

Тиббий хизмат подполковниги Б. Тўраев, тиббий хизмат майори И. Абдукаримов, Мудофаа вазирлиги Санитария-эпидемиология назорати маркази мутахассислари

«ОДАМИ ЭРСАНГ, ДЕМАГИЛ ОДАМИ...»

Жаҳон ва Шарқ адабиёти тарихи саҳифаларини варақласак, улуғ ижодкорлар кўп, аммо улар орасида давлат, дин, сиёсат ва жамоат арбоби даражасига кўтарилганлари, тан олинганлари эса жуда кам бўлган. Алишер Навоий нафақат темурийлар Уйғониш даврининг улуғ шоири, буюк мутафаккир, даҳо сўз санъаткори, 30 дан ортиқ бетакрор лирик, насрий асарлар муаллифи, балки «Дунёда фақир ва ғариб Алишердек ҳаёт кечир» деб битилган шахсий муҳрга эга атоқли давлат, дин, сиёсат ва жамоат арбоби ҳамдир.



Маълумки, Алишер Навоий темурийлар давлати таркибида ва бошқарувида бўлган Хуросон давлатининг пойтахти Ҳирот шаҳрида яшаб ижод қилган. Унинг нодир қирраларини ёритувчи баъзи тарихий, ҳаётий лавҳа, эътирофларига мурожаат қилсак.

Тадқиқотларда донишманд шоҳ, буюк астроном Мирзо Улуғбек ва Алишер Навоий темурийлар Ренессансини юксакликка кўтарган буюк сиймолар сифатида алоҳида эътироф этилган. Бу ўринда шуни алоҳида таъкидлашимиз керакки, Алишер Навоийнинг Мирзо Улуғбекка ҳам ихлоси, ҳурмати, эътирофи жуда баланд бўлган.

Мирхонднинг «Равзат ус-сафо», Хондамирнинг «Дастур уз-вузаро» асарларига диққат қилсак, ҳар иккала муаррих ўз асарларида Султон Ҳусайн Бойқаронинг Алишер Навоийга йўллаган мактублари ҳақида маълумот берар экан, мактубда унинг «Ҳидоят эгаси, шараф ва ҳурматнинг қайтиш жойи, дину давлат арбобларининг сараси, мулку миллат эгаларининг етакчиси, хайру эҳсонларни таъсис этувчи, хайру эҳсон муассисларига равнақ берувчи, салтанат устуни, подшоларнинг қўлидан етакловчи, хоқон давлатининг умиди, Султон ҳазратларининг яқин дўсти, ҳақиқат ва дин низоми амир Алишер...» деб ўндан ортиқ унвон, таърифларини санайди. Шу билан бирга, қайсидир маънода Султоннинг мактубида санаб кўрсатилган лақаблар давлат, дин, сиёсат ва жамоат арбоби Алишер Навоийнинг нури сиймоси акс этган портретига чизгилар ҳамдир.

Дунё ишларига ибрат назари билан қараган мулкдор, йирик сармоядор Алишер Навоий ижтимоий манфаатни (райят манфаатини) кўзлаб, ортиқча молу мулкни ихтиёрий равишда хайр-эҳсон ҳамда мақсадли ишларга сарфлаган. Давлатнинг энг катта бойлиги бу – халқ, улус («Подшоҳ улус ва эл била подшоҳдур. Эл бўлмаса, салтанат мумкин эмас. Сен элни мизожинг тундлуғидин ўзунгдин рамида қилдинг. Ложарам сендин йироқлик тиладилар. («Тари-

хи мулуки Ажам»нинг Баҳром бинни Баҳром зикрида)» деб билган, умр бўйи шарафлаган Алишер Навоий фақат халқ манфаатини назарда тутиб, жамоат биноларини қурдирган. Бу билан барча замон мулкдорлари учун ибратли мулкдор сиймосини яратган. Давлатшоҳ Самарқандийнинг «Тазкират уш-шуаро» асарида Алишер Навоийнинг ижоди ва арбоблик фаолияти ҳақида махсус боб бор, у ёзган қимматли маълумотлардан бирини келтирамиз: «Сўнгра холис мулкни ва ҳалол бойлигини Худо йўлига сарфлаб, мамлакатда мадрасалар, масжидлар, работлар, хайрли жойлар ҳамда дор уш-шифо қуришга харжлади. Уша жойларга белгиланган вақфлари муомалада юрган (пул ҳисобида) тахминан 500 туман кепакийни (бир туман ўн мингга тенг) ташкил этади». Улуғ шоирнинг ўзи эса «Хайрат ул-аброр» достонида бу ҳақда маҳорат билан ҳайратомуз шоҳбайт ҳам битган:

Нафъинг агар халққа бешак-
дурур,
Билки, бу нафъ ўзунга кўпрак-
дурур.

Мулкдор бўлиш, қўлидаги сармоя, дастмоя, мулкни асрай билиш, кўпайтириш ҳам мулкдор, сармоядор инсондан алоҳида қобилият, одамийлик, тadbиркорлик каби сифатлар кераклигини Алишер Навоий «Мажолис ун-нафоис»нинг олтинчи мажлисида берилган Мавлоно Фазлулло зикрида алоҳида таъкидлаб кўрсатган. Тазкирада турли жараён билан боғлиқ таъкиду танбеҳлар, огоҳлантиришлар талайгина, аммо мутафаккирнинг мазкур таъкидини бир ўринда учратамиз. Ушбу фикрда Алишер Навоийнинг нафақат улуғ ижодкор, балки давлат аҳамиятига молик бўлган Астробод шаҳрининг ҳокими сифатидаги ҳаётий кузатишларидан ҳам воқиф бўламиз. Мавлоно Фазлуллонинг қўлидаги дастмояси унинг бўш, ялқов, бевош киши бўлганлиги сабабли иқтисодий талафотга учрагани ҳақида шундай ёзади: «Мавлоно Фазлулло ҳам шерозликдур. Тижорат тарийқи била Астрободга келди. Лавандвашлиғи голиб учун бепарволиғ қилиб, даст-

моейга нуқсонлар воқе бўлди. Салоҳиятлик йигитдур. Толиби илмиғи ҳам бор. Шеър ва муаммо ва нард ва шатранжи ҳозирона ва ғойибона, балки сағир ва кабирни билур».

Адл, адолатни давлатнинг асоси, оламнинг низоми, тузуги деб тарғиб ҳамда тараннум қилган Алишер Навоийни Салтанатнинг мудофаа қуввати ва хавфсизлигига масъул бўлган давлат арбобларидан бири сифатида ҳам билишимиз мумкин. У қурдирган карвонсарой, работда кўрсатилган юксак хизмат турлари, нархлари билан юрт ичида, ва ташқарисида ҳам машҳур бўлган. Юртма-юрт кезувчи савдогарлар, сайёҳлар карвони йўловчилар ва дарвешлар, чопарлар билан доимо гавжум бўлган. Уларнинг ўзaro суҳбат, муносабатлари орқали давлат сарҳадларида, узоқ ва чекка туманларда ҳамда қўшни давлатларда юз берган ёки юз бериши кутилаётган ижобий, салбий характердаги воқеа, ҳодисалардан ҳам хабардор бўлиб турилган. Олинган, тўпланган хабарлар таҳлил қилинган, белгиланган натижа ёки оқибат асосида эса Алишер Навоий томонидан Султон Ҳусайн Бойқаро диққатига ҳавола қилинган. Шу сабабли Султон Ҳусайн Бойқаро ҳаж мавсумида ўзи, сарой ва мамлакатнинг бир муддат ҳам Алишер Навоийсиз қолишини истамаган, ҳажга рухсат бермаган. Ёки давлат ва халқ тақдирида ҳукмдорнинг тутган ўрни нақадар муҳимлиги, улуғлиги борасида ҳам ўзининг давлат арбоби сифатидаги ҳаётий хулосасини куйидагича баён қилган:

Тахт чун бўлди шоҳдин холи,
Фитнадин холи ўлмас эл холи.

Алишер Навоийнинг яшаган уйи ўз даврида қароргоҳ мақомида бўлиб, ушбу дилқушо маскан тарихий манбаларда Унсия номи билан машҳур бўлган ва манбаларда «...фуқаролар мурожаатгоҳи, эшиги муҳтожларга ҳамма вақт очикдир... Бу улуғ амир мусулмонларнинг муҳим ишларига кафиллик, шариат ва суннат, мулку миллат ишларини равнақ эттириш билан банд», деб таърифланган. У Шамс ул-миллат номи билан Ҳирот адабий, маданий

муҳити ҳомийси, раҳнамози сифатида ҳам алоҳида тилга олинади, шу сабабли дўсти Абдурахмон Жомий «У бизнинг барча орзу-умидларимизни амалга оширувчи, хурсанд қилувчи ёру дўстимиз», дея алоҳида эътироф этган. Алишер Навоий Абдурахмон Жомий, Кобулийлар вафот қилганда, соҳиби аза бўлган.

35 йилдан ортиқроқ саройда қизгин фаолият олиб борган улуғ Алишер Навоий давлатнинг кадрлар захираси учун иқтидорли ёшларни излаб топтирган, ҳомийлик қилган, ўзи қурдирган ёки бошқа олий мадрасаларда ўқитган, давлатчилик, мулку миллат масалалари бўйича махсус таълим-тарбия берган, ҳатто уй-жой билан таъминлаган. Шоҳ ва шоир Бобур ўзининг «Бобурнома» асарида эътироф этганидек, тенгсиз даражада мураббий ва муқаввийлик қилган.

Алишер Навоий «Мажолис ун-нафоис» (459 нафар), «Насойим ул-муҳаббат» (770 нафар), «Хамса», «Лисон ут-тайр», «Маҳбуб ул-қуллуб», «Соқийнома» каби асарларида илк Уйғониш даври ва темурийлар Ренессансининг минг нафардан зиёд вакиллари ҳақида ишончли маълумотларни ёзиб қолдирган. Бундай маълумотлар базаси Бобурнинг «Бобурнома» асарида ҳам хосдир.

Хулоса шуки, давлат, дин, сиёсат ва жамоат арбоби Алишер Навоийнинг ўз асарларида яратган фаол, ибратли бадий образлари, тасвирлаган тарихий сиймолари, ёритган, талқин ва тараннум қилган ўлмас ғоялари Соҳибқирон Амир Темурнинг давлат бошқарувидаги «Куч – адолатда», «Куч – тартибда», «Куч – соғлиқда» деган бош тамойилларига асосланади. Сўзимиз сўнггида улуғ шоирнинг ижтимоий фикрлари мужассам бўлган, чуқур ҳаётий мазмунга йўғрилган ва асрлар садосига айланган ҳикматли байтини ёдга оламиз:

Одами эрсанг, демагил одами,
Оники йўқ халқ ғамидин ғами.

Буробия РАЖАБОВА,
филология фанлари номзоди

КИМ ЮРТИДАН ЁВНИ ҚУВСА, МЕНДИРМАН ЎША!



(Давоми. Боши ўтган сонда)

Чингизхоннинг адоқсиз кўшинлари хақидаги ёлғону хақиқатлар алмакочон бутун дунёни тутиб бўлган, чопарлар кунора улар зафаридан хабар бериб турганига қарамай, Хоразмшоҳ эсанг тадбирини кўрмайди. Бепарволиги, айш-шаратга ўғлини, кудратли кўшиндан хилмоя хитобларини эмас, ўзи хақида мактовларни тинглатишга ошурфта бўлади. Шайхзода буни асарда ёрқин бўёкларда беради.

Хоразмшоҳ драмада ўз ҳукмдорлиги тарифини шундай келтиради:

Хоразмшоҳ:

*Парвардигор менга айлаб улуг иноят,
Беш иқлимда қура олдим шонли бир давлат!*

Аммо билмайдик, бу беш иқлим ақлсиз бошқарувдан ситилмоқда. Маддоҳ шоирларнинг мактовчи кўзларни-да кўр қилиши, катта-катта давлатларни парчалаши турган гап эди.

Хоразмшоҳ:

*Лашкаримнинг шавкатидан титрайди жаҳон,
Беш иқлимда қура олдим шонли бир давлат,
Лашкаримнинг савлатидан титрайди жаҳон,
Халифани Бағдод менга бош эгар абон,
Бир пуфласам, ирғиб тушар шоҳларнинг тожи,
Қарвонларнинг ташигани хазинам божи.*

Шайхзода шунда асарга шиддат беради ва воқеалар ривожига эътибор қаратади. Шоҳ ўз қудратини тил тарозисига кўйганда, худойчи Чингизхондан элчи келганини таъкидлайди. Шунда драмада кескин бурилиш содир бўлади. Шоҳдаги хурсандчилик ўрнини ваҳима туттади. У кўрқув олдида тош қотади. Жимлик сурони ютади. У неча йиллардан бери кўрққан воқелик содир бўлганидан даҳшатга тушади.

Хавф олдида ҳаракатсизлик ботирлар иши эмас, кўрқоқликдир!

Шоҳ танасини кўрқув қоплайди, Жалолоддин Мангубердини эса ғазаб. У отасини бу ҳолда кўришдан ор қилади. Шу ўринда Жалолоддиннинг уздабурон саркарда, моҳир сиёсатдон эканини ҳам кўрамайди. У Чингиздан кўрқмаслигини кўрсатиш ҳал қилувчи нарса эканлигини яхши билади. Тилини ютиб олган шоҳга Жалолоддин шундай дейди:

*Жавоб бер, шаҳаншоҳ, кутмасин улар,
Куттирсак, кўрқоқшига аломат бўлар!*

Кўрқув қамраган оёқлар шол бўлар, кўрқув ботирнинг тушови!

Кўрқув ўлмай ўлдиради, кўрқув қон чиқармай сўяди. Кўрқаетган касалнинг тузалиши икки ҳисса оғир кечади! Буни душман элчисига сездирган шоҳ

ярим кўшинидан айрилгандек гап. Бу ёвга катта куч беради, дадил одимлашга ундайди. Кўрқув иродани ўт тушгандай тез кул қилади.

Жалолоддиннинг кучли нигоҳларига ортиқ дош бера олмаган Хоразмшоҳ дадилланиб ўрнидан турди ва «Ҳеч кимга бўйсунмас Хоразмшоҳлар» дея мўғул элчиларни саройдан ҳайдайди. Сўнг кенгаш ва фожиали қарор қабул қилинади. Кенгашда ҳам ўша кўрқув Хоразмшоҳни янглиш қарор чиқаришига олиб келади. Аввалига шоҳ Чингизхонни ўзига тенгламагандай гапирди. Жалолоддин эса Чингиз хийлаларини яхши билар, аввал ҳам улар билан курашиб, бир бора енгган ҳам эди.

Шунинг учун отасини ҳушёр тортишга, душман билан ҳазил қилмасликка чақиради.

Жалолоддин:

*Қонларни қон билан юварлар албат,
Бағоят зўравон, ғанимдир Чингиз.
Бунга кўз юммайин ростин билингиз,
Дедингиз қулса қалъамда девор,
Остида Чингизлар бўлур тор-мор.
Декин у ётмайди девор остига,
Йўқ қилиб чиқади қалъа устига,
Вайрона остида ҳалок бўлмас ул,
Ўзи вайроналар ясайди мўғул,
Зинҳор қалъангизга яқинлатманг ҳеч,
Йиқилса, пойтахтлар омон қолур кеч.
Сирдарё бўйида бор кучингизни –
Мушт қилиб, қайтаринг қонли Чингизни!*

Мамлакат чегараларига кўшин тизиб, мўғулга қарши чиқишни таклиф қилган Жалолоддин фикри отаси томонидан қабул қилинмайди. У Чингизга дуч келишдан чўчийди. Бу ўринда, албатта, уни чалғитувчилар – кўрқоқлар топилади.

Ҳокимият тепасига чиқиш истаги билан ёнаётган суюкли янги куёв Бадриддин душманга дуч келишга журъати етмаётган Хоразмшоҳга мойдек ёқувчи таклифни билдиради.

Бадриддин:

*Чўлларнинг бўриси шерга не қилур?
Бехаб бир гадо элга не қилур?
Уттиз ил дамодам қилайи олам,
Ҳасмлар хасмини қилолди барҳам,
Чунки шоирдир: таваккал – Аллоҳ,
У Тангри сояси, удир зиллаллоҳ!*

Бу таклиф шоҳга бағоят ёқиб тушганди. Мактовлар эса уни семиртиради. Уйлайдики, Чингиз Урганчга чўллари саҳролардан ўтиб, омон кела олмайди. Аммо Хитойни олган Чингизга Урганч йўлининг азоби не бўлибди?

Шунда Шайхзода асарга Имом образини киритади. Ўша пайтларда барча дин аҳли ёмонотлиқ қилинган, қораланаётганди. Шайхзоданинг Имоми эса шундай ҳайқиради:

*Аҳкоми – Қуръон,
Буюрмиш: Ватанни ҳифз айла ҳар он,
Ҳадисда Муҳаммад Расул – зишон,
Дабди: «Хуббил – Ватан минал-имон».
Душман мажусидир, бедин, будпараст,
Мусулмон ободга айлашдир қасд,
Унга бермоқ керак ҳозироқ шикаст,
Ҳазрат валиаҳднинг таклифи ҳўп мос.*

Аммо шоҳ миллату элни ўйлаган одамларга эмас, ўзининг ичидаги кўрқув ва фаразларини қўллаганларга ишонади. Жалолоддин эса бундан ўт бўлиб ёнади. Унинг бутун умри жангу жадалларда мардлик аро ўтарди. Энди у бемалол Чингиз кўшини кириб келишини, қишлоқ ва овулларга ўт кетишини асло истамасди.

У отасига – шоҳга кўшин бер, дея ҳайқиради:

*Сафарда тугилдим, ўсдим эгарда,
Қиличим ҳассади, тулпорим – ўртоқ,
Менга қошонадан чодир яхшироқ
Кўшин бер менга, бошлай жангу жаҳд,
Шаҳаншоҳ ноиб, менман валиаҳд!*

Бу гаплар, албатта, шоҳга ёқмас ва бу душманларга қўл келади. Улар ота-бола муносабатларини бузишади. Бадриддин бу ўринда ташаббусни қўлга олади: «Сиз ҳаёт, у тахтга бўлмоқчи эга!»

Ахийри, Жалолоддин отасига – шоҳга қарата шундай очиқ фикрлар билдиришга мажбур бўлади, ахир Ватан баридан улуг!

Жалолоддин:

*Отасиз, валлажат ва шаҳаншоҳим,
Гўдаклик чоғидан пушти-панодим,
Ўсдим бу ҳаётда пойма-поя,
Энди мен юртимни қилай ҳимоя!*

Хоразмшоҳ:

*У қандай ҳимоя?!
Барҳаёт-ку, шоҳ?*

Жалолоддин:

Ҳимоя қилмаса, у хоҳу но хоҳ..

Шу сўздан сўнг Хоразм шоҳи ғазабланади ва Жалолоддин Мангубердини валиаҳдликдан айириб, ҳали чақалоқ кенжа ўғлини ворис қилади. Аслида, шу қарори билан ўз тахтининг ўн михини ўзи суғирганди.

Шунда бирдан Жалолоддин валиаҳдлик тожин ечиб, бугунги кунгача машҳур бўлган ва кўп такорланадиган шу сўзларни айтади:

*Киши тугилмайди бошда тож билан,
Тугилар эрлик ва эҳтиёж билан!
Бошимнинг тождир онамга қасам!*

Чикиб кетади. У бунда ўзининг камситилишини эмас, таҳликали даврда отасининг тождан хавфсирашдан ёнади, халқнинг бошига тушаётган фалокатлардан ўртанади.

Имом ёзғиради:

*Туркистон элига чўқтирманг алам,
Мўғулни қочирган киши – шу киши.
Фақат шу Жалолдан кўрқар ул қаҳши.*

Аммо шоҳ йўрғақдаги чақалоқни тахт вориси қилишдан қайтмайди, шу билан мўғул кўшинларига қарши чиқиш учун улкан лашкар тузилмайди – тўзийди!

Тўзмоқ ё тўзимоқ доим барча нарсани ҳал қилган! Душман олдида ҳам ўз нафсидан воз кеча олмаган шоҳни кўраркан тарихчи Насавий шундай дейди:

*Бировнинг давлатин оларкан Худо,
Даставвал ақлидан қилади жудо.*

Шайхзода тарихчи Насавий тилидан берган бу таъриф Хоразмшоҳ образини тўла очган эди. Жалолоддин эса шиддат билан ўз тарафдорлари билан бўлса-да, Ватан учун жанг қила бошлайди. Чунки бундай онларда араз қилиш ҳам хиёнат эди!

Жавлон ЖОВЛИЕВ, ёзувчи

ЖИЗЗАХДА ЁШ ВАТАНПАРВАРЛАР ЙИҒИНИ



Ўзбекистон Республикаси Президенти, Қуролли Кучлар Олий Бош Қўмондони Шавкат Мирзиёев ташриф буюрган Жиззах вилоятидаги ҳарбий қисмда вилоят ҳарбий-маъмурий сектори ҳамда Марказий ҳарбий округ қўмондонлиги ташаббуси билан «Ёш ватанпарварлар йиғини» ўтказилди.

Ёшларни ҳарбий-ватанпарварлик руҳида тарбиялаш, уларнинг ҳуқуқ ва эркинликларини ягона эзгу мақсад йўлида бирлаштириш, она юрт тақдирини учун масъулият туйғусини мустаҳкамлаш, ўз касбига садоқатли ва ҳар томонлама етук кадрлар этиб тарбиялаш мақсадида ташкил этилган йиғин машғулоти ва тадбирларига вилоятда яшаётган 18-25 ёш атрофидаги 200 нафар ўғлон жалб этилди. 10 кун давом этган жанговар, маънавий-маърифий тайёргарлик, спорт ўйинлари ҳамда касбга йўналтириш машғулотида ёш авлод вакиллари келгуси ҳаёт учун муҳим йўлланма ва хулосаларни олдилар.

Машғулоти давоида ҳарбий қисмга Савдо-саноат палатаси раиси Адҳам Икрамов, вилоят ҳоқими Эргаш Салиев ҳамда ҳарбий округ қўшинлари қўмондони полковник Айбек Саидов ташриф



буюриб, ёшлар билан суҳбат ўтказди. Учрашув давомида улар ёшларнинг келгусидаги мақсадлари, бизнес режалари ва лойиҳалари билан яқиндан танишишди ва уларни амалга ошириш учун грант лойиҳаларини тақдим этиб, амалий кўмак берадиган бўлишди.

Ўн кун давомида машғулотлардан ташқари ёшларни тадбиркорликка йўналтирувчи семинар-тренинглари ҳам ўтказилгани иштирокчиларга рағбат берди. Хусусан, мамлакатимизда тадбиркорлик соҳасидаги энг йирик лойиҳалардан бири бўлган «M FACTOR» лойиҳаси раҳбари Ҳасан Масаидов, «Korzinka.uz» супермаркетлар тармоғи маркетинг директори Малик Каримов ёшлар ҳузурига келиб, улар билан самимий мулоқот қилди. Учрашувда йиғин қатнашчилари ўз бизнесини ривожлантириш бўйича зарур тавсия ва маслаҳатлар олишди.

Шу куни меҳмонларнинг «Ёш ватанпарварлар йиғини» иштирокчилари билан гулхан атрофида самимий давра суҳбати ташкил этилди. Унда ҳарбий оркестр жамоаси ҳамда ёшлар томонидан куйланган жонли ижродаги куй-қўшиқлар даврага ўзгача шуқуҳ бахш этди.

Тадбирлар доирасида ёшларнинг пойтахтимизда жойлашган «Ғалаба боғи» мажмуаси ҳамда Қуролли Кучлар давлат музейига экскурсияси ҳам ташкил қилинди. Бу ерда улар ота-боболаримизнинг уруш йилларида кўрсатган қаҳрамонликлари, фронт ортида заҳмат чеккан халқимизнинг фидойилигини акс эттирувчи экспонатлар билан танишиб, улар ҳақидаги ҳикояларни тингладилар.

Қизгин давом этган ҳарбий ҳаётнинг сўнгги кунда ўқув йиғинининг тантанали ёпилиш маросими бўлиб ўтди. Унда Жиззах вилояти сектор раҳбарлари, ҳарбий округ қўшинлари қўмондонлиги, фахрийлар ва кенг жамоатчилик вакиллари билан бирга йиғин иштирокчиларининг ота-оналари ҳам иштирок этди.

Маросимда 200 нафар иштирокчига касбий маҳоратни оширганлиги тўғрисидаги сертификат, шундан 125 нафарига тадбиркорликни йўлга қўйиш учун имтиёзли кредит олишга йўлланмалар берилди.

Шунингдек, йиғин давомида ўтказилган спорт мусобақалари ғолибларига вилоят ҳоқими, ҳарбий округ қўшинлари қўмондони, вилоят прокурори, ИИБ бошлиғи ҳамда ДХХ бошлиғи кубоги ҳамда эсдалик совғалар тантанали равишда топширилди.

Тадбирнинг ҳайратланарли лаҳзаси йиғин иштирокчиларининг меҳмонлар ҳамда ота-оналарнинг олдидан шахдам қадам ташлаб сафда юрганлиги бўлди.

Яқунда вилоят маданият бошқармаси ҳамда ҳарбий оркестр жамоаси томонидан концерт дастури намойиш этилди.

Лейтенант Отабек НОРБОЕВ,
Марказий ҳарбий округ матбуот хизмати



Хонадонда чақалоқ дунёга келди! Оиланинг қувончи бўлган фарзандларнинг соғлом улғайиши, вояга етиши ота-онанинг ҳам, жамиятнинг ҳам энг катта ютуғидир. Хўш, аслида боланинг жисмонан соғлиғи нималарга боғлиқ? Қандай омиллар уларнинг шаклланишига таъсир кўрсатади? Бу жараёнда ота-онанинг соғлом турмуш тарзига амал қилиши қанчалик аҳамиятга эга? Пойтахтимизнинг Яшнобод туманидаги 58-^{«А»} ҳарбий шаҳарчада ўтказилган чуқурлаштирилган тиббий кўрик давомида ҳарбий хизматчиларнинг оила аъзолари тиббий текширувдан ўтиш билан бирга шифокорлардан шу каби саволларга ҳам жавоб олишди.

250 ДАН ОРТИҚ АҲОЛИ ТЕКШИРУВДАН ЎТДИ



Кичик сержант Баҳромжон Илҳомжонов

Хаво ҳужумидан мудофаа кўшинлари ва Ҳарбий ҳаво кучлари қўмондонлиги, Республика «Соғлом авлод учун» ҳукуматга қарашли бўлмаган халқаро хайрия фонди, Яшнобод туманидаги 31-оилавий поликлиника билан ҳамкорликда ташкил этилган мазкур саломатлик тадбири давомида оналар ва болалар терапевт, отоларинголог, педиатр, невропатолог, эндокринолог қабулида бўлишди. ЭКГ ва УТТ текширувларидан ўтишди.

– Фарзандим Темурбек билан тиббий кўриқдан ўтқандимиз, – дейди суҳбатдошимиз Нодира Исакова. – УТТ текширувида ўғлимнинг буйрағида туз борлиги аниқланди. Менинг эса ўт копимда тош бор экан. Яна ошқозон ости бези қаттиқлашибди. Шифокор дори ёзиб берди. Бугундан кечиктирмай даво чораларини бошлаймиз ва соғлом турмуш тарзига амал қиламиз.

– Фарзандларим Ҳасан ва Ҳусан ўтган йили декабрь ойида туғилган, – дейди лейтенант Марвариддин Набижонов. – Негадир кўп йиғлашади, кўп терлашади, қоринлари дам бўлади. Болалар шифокорига шу муаммоларни айтдим. Текширув хулосасига қараб бир қанча дори-дармон ёзиб берди. Шифокорлардан миннатдоримиз.

– Фарзандларнинг болалик, ўсмирлик давридан бошлаб репродуктив

саломатлигига аҳамият бериш лозим, – дейди терапевт Нилуфар Маҳмудова. – Бу болани фақат касал бўлганда эмас, балки бир йилда икки марта шифокор кўригига олиб бориш, уни кичкиналигидан соғлом турмуш тарзига амал қилишга ўргатиш демакдир. Биламизки, кўпчилик ота-оналар безарурат шифокор ҳузурига олиб бормайди. Аслида бу нотўғри. Чунки сиз жиддий муаммо эмас деб билдирган саломатликдаги ўзгаришлар вақт ўтиб хавфли касалликларнинг келиб чиқишига сабаб бўлиши керак. Шунинг учун ҳам саломатликка ҳеч қачон безътибор бўлиш керак эмас. Биз тиббий кўриққа келганларга шу хусусда ва аёллар ўртасида репродуктив саломатликни асраш, бехатар оналик, ўсмир қизларда учрайдиган тиббий муаммолар ҳамда уларнинг олдини олиш чоралари ҳақида тушунча ва тавсияларимизни бердик.

Тўрт кун давом этган тиббий кўрик давомида 250 нафардан ортиқ аёллар, ўсмир ёшдаги қизлар ва болалар текширувдан ўтказилди.

Тадбир доирасида Тошкент ҳарбий прокуратураси вакиллари томонидан ҳарбий хизматчиларнинг оила аъзоларини қийнаётган муаммолар берилди.

Майор Гулнора ҲОЖИМУРОВА



ЎЛМАС ВА БЕБАҲО МЕРОС

Ўзбек халқининг ўтмишдаги оловли жангдошларда кўрсатган жасорати ва матонати, фронт ортида амалга оширган мислсиз меҳнати ёшлар учун чинакам ибратдир. Хусусан, Иккинчи жаҳон уруши қатнашчиси, Совет Иттифоқи Қаҳрамони сержант Самиг Абдуллаевнинг ҳаёти ва кўрсатган қаҳрамонлиги алоҳида эътирофга молик.

1938 йилдан совет армияси сафида, пиёдачилар бўлинмаларида хизматга киришган С. Абдуллаевнинг ёшлиги оғир ва суронли йилларга тўғри келди. У Иккинчи жаҳон уруши бошланишида муҳандислар қўшинларида 8-алоҳида енгил-сузиб ўтувчи қисмда бўлинма командири лавозимида хизмат қилган. Кавказ ва Шимолий Кавказ фронтларидаги жанглар, Кавказ ва Краснодар операцияларидаги тўқнашувларда иштирок этган.

1943 йилнинг июнь ойидан 97-алоҳида мото-муҳандислар батальони бўлинма командири сифатида Шимолий Кавказ фронтларида ва 1943 йил ноябридан 1944 йил май ойига қадар Приморье армияси таркибида жанг қилган. Новороссийск – Таманск, Керченск – Эльтигенск ва Қрим операцияларида ҳам жасорат намунасини кўрсатган.

1943 йил 16 сентябрь куни тунги пайтда Красный аҳоли пункти атрафида, душманнинг оловли ҳаракатлари остида сержант С. Абдуллаев бошчилигидаги сапёрлар бўлинмаси душманнинг 97 минасини топган ва зарарсизлантирган, улардан 37 тасини бўлинма командирининг шахсан ўзи зарарсизлантирган. Ҳеч қанча вақт ўтмай, душман дарё устидан ўтайдиган кўприкни портлатади. Сержант С. Абдуллаев бўлинмаси душманнинг тўхтамай бераётган зарбалари остида 3 соат вақт ичида портлатилган кўприкни тиклаб, танкчи бўлинмаларнинг учун йўл очиб берган.



Кейинги куни қаҳрамонимиз бошқа бир кўприкни портлатиш учун ўрнатилган портловчи моддаларни зарарсизлантириш учун кўприк остида эмалаб бориб, ёниб турган бикфордли сим (шнур)ни кесади ва шу жараёнда душман ўқидан яраланади, лекин уруш жойини ва қўл остидаги бўлинмасини ташлаб кетмай, курашни давом эттиради. 16 сентябрдан 9 октябрь кунига қадар сержант С. Абдуллаев душман зарбалари остида 3 000 га яқин, жумладан, 39 та чиқарилмас ва 43 та сюрприз-миналарни зарарсизлантирган.

Фашистлар билан бўлган жангда фронт қўмондонлиги вазифаларини бажаришда кўрсатган намунали хизмати, жасорати ва қаҳрамонликлари учун 1944 йил 16 май куни СССР Олий



Совети Президиуми қарори билан сержант Самиг Абдуллаевга Совет Иттифоқи Қаҳрамони унвони берилди. Ўша куни «Ленин» ордени, 1943 йил 9 ноябрь ва 1944 йил 25 февраль кунлари «Қизил байроқ» орденлари, I ва II даражали «Улуғ Ватан уруши» орденлари билан тақдирланган.

Урушдан сўнг қаҳрамонимиз туғилиб ўсган она юрти – Ўзбекистонга қайтиб, ўзининг сеvimли касби – расомлик билан шуғулланади. Ўқийди, изланади ва турли лавозимларда фаолият юритади. 1946 йилдан 1956 йилгача Ўзбекистон ССР Рассомлар кенгаши раиси, 1956 йилдан 1991 йилгача Ўзбекистон ССР давлат санъат музейи директори лавозимида ишлаган. 1955 йили Тошкент театр ва рассомчилик институтини тамомлаган. Унинг «Автопортрет» (1946), «Жасорат» (1947), «Эна ва невара» (1954), «Натюрморт» (1957), «Малилик ўспирин» (1962), «Қуёш ботиши» (1981), «Канал», «Колхоз фермасида» сингари ижодий ишлари мутахассислар томонидан юқори баҳоланади.

1967 йили Ўзбекистон ССРда хизмат кўрсатган санъат арбоби унвонига эга бўлган. Шунингдек, «Знак Почёта» ва «За трудовое отличие» каби орден ва медаллар билан мукофотланган.

Фавқулодда вазиятлар вазирлиги академияси маънавият ва маърифат марказида ўтказилган «Иккинчи жаҳон уруши қатнашчилари ва фронт орти фахрийларининг қаҳрамонликлари – биз учун ўлмас ва бебаҳо мерос» мавзусидаги маънавий-маърифий тадбирда ҳам айнан мана шундай боболаримиз жасорати ёдга олинди.

Академия шахсий таркиби билан биргаликда, унга бириктирилган мактаб, лицей ва коллежлар ўқувчилари иштирок этган тадбирда буюк аждодларимиз, жумладан, Иккинчи жаҳон уруши қатнашчиларининг қаҳрамонликлари хусусида сўз юритилди. Бундай тадбирлар Ўзбекистон халқининг жанг майдонларида ва фронт ортида кўрсатган беқиёс жасорати ва матонатини тарих саҳифаларига муҳрлаш, ёш авлодни Ватанга муҳаббат ва садоқат руҳида тарбиялашга хизмат қилади. Зотан, оғир, синовли йилларда матонат ва қаҳрамонлик кўрсатган юртдошларимиз билан ҳақли равишда фахрланамиз.

**Захирадаги подполковник
Абдусаттор ЭРГАШЕВ,
Фавқулодда вазиятлар
вазирлиги академияси
катта ўқитувчиси**

НАВОЙНИ ЭСЛАБ



Ҳаво ҳужумидан мудофаа қўшинлари ва Ҳарбий ҳаво кучлари қўмондонлигига қарашли ҳарбий қисм томонидан «Баркамол авлодни тарбиялашда буюк шоир ва мутафаккир Алишер Навоий меросининг ўрни ва аҳамияти» мавзусида давра суҳбати ўтказилди. Ўзбекистон Республикаси Фанлар академияси Алишер Навоий номидаги Адабиёт давлат музейида ўтказилган мазкур тадбирда адабиёт ва санъат вакиллари, ҳарбий хизматчилар ва Қуролли Кучлар хизматчилари иштирок этди.



«ИЖОДИ БИР УММОНКИ...»

Буюк шоир ва давлат арбоби Алишер Навоий таваллудининг 580 йиллиги муносабати билан ўтказилган тадбир улғу бобокалонимизнинг ҳайкали пойига гулчамбар қўйиш билан бошланди. Сўнгра меҳмонлар иштирокида қизгин давра суҳбати бўлиб ўтди.

Маънавий-маърифий тадбирда дастлаб Алишер Навоий номидаги Адабиёт давлат музейи бош муҳофиз Абдурашул Эшонбоев буюк шоирнинг жаҳон адабиётида тутган ўрни, музейда сақланаётган бебаҳо асарлари хусусида тўхталди.

Тошкент давлат ўзбек тили ва адабиёти университети ўқитувчиси, доцент Абдумурод Тиловов ва Ўзбекистон Ёзувчилар уюшмаси аъзоси, шоир ва ёзувчи Ўктам Мирзаёров Алишер Навоийнинг ҳаёти ва ижодига оид қизиқарли маълумотларга бой суҳбатлари билан тадбирга ўзгача файз киритди. Даврада улғу шоирнинг ғазаллари ва унга бағишлаб ёзилган шеърлар янгради.

Бетакрор ғазаллар қўшиқларга уланди. Алишер Навоий номидаги Ўзбекистон давлат академик катта театри актёрлари – Ўзбекистонда хизмат кўрсатган артист Шукур Фахруров ҳамда актриса Саида Мамадалиева театрдa Навоий бобомизнинг бир қатор асарлари сахналаштирилиб, узок йиллар таниқли актёрлар томонидан ижро этилганига урғу беришди. Айнаи дамда ҳам бу асарлар халқимиз эътиборида эканини таъкидлаб, ушбу сахна асарларида куйланган опера қўшиқлари билан йиғилганларни баҳраманд этишди.



III даражали сержант Олим БЕРДИЕВ

Кичик сержант Жаҳонгир Тўйчиев эса Алишер Навоий рубоийларининг нафақат ўзбекча талқини, балки инглиз тилидаги тадбилини ёд айтиб, қарсақларга сазовор бўлди.

– Улғу бобокалонимиз ҳаёти ва ижоди бир уммонки, уни қанча ўқиб-ўрганасан, шунча кам, – дейди майор Элёр Бердиев. – Шу боис, умри давомида ватанпарварлик ва инсонийликни улғулаган ва асарларига сингдирган Алишер Навоий билан боғлиқ кўплаб тадбирларни амалга оширишни белгиланганмиз. Хусусан, олдимизда турган тадбирлардан бири Алишер Навоий номидаги Ўзбекистон давлат академик катта театрида бўлиб ўтадиган навоийхонлик кечасида ҳарбий хизматчилар ва уларнинг оила аъзолари иштирокини режалаштирганмиз.

Ғазал мулкининг султони бағишланган маънавий-маърифий тадбир давоми музейдаги адабиётга оид асарлар билан танишув, яъни экскурсияга уланди.

Зулфия ЮНУСОВА,
«Vatanparvar»

АРМИЯ ВА ЁШЛАР

УЧ АВЛОД УЧРАШУВИ

ЗАРАФШОНДА ВАТАНПАРВАРЛИК КАРВОНИ

Бугунги кунда халқ ва армия яқдиллигини таъминлаш, ёшларнинг ҳарбийликка қизиқишини янада ошириш, уларни ватанпарварлик руҳида тарбиялаш борасида кенг кўламли чора-тадбирлар амалга оширилмоқда. «Ватанпарварлик карвонлари» мамлакатимизнинг энг олис ҳудудлари, қишлоқлария овулларигача кириб борди.



Ана шундай тадбирлардан бири Навоий вилоятининг Зарафшон шаҳридаги 10-умумтаълим мактабида ўтказилди. Тадбирда Зарафшон шаҳар ҳокимлиги, Мудофаа вазирлиги Тоифаланган объектларни қўриқлаш қўшинлари қўмондонлиги масъуллари, нафақадаги ҳарбийлар, нуронийлар, ҳамкор куч тузилма-

лари, давлат ва жамоат ташкилотлари вакиллари иштирок этди. Сўз олганлар бугунги кунда Қуролли Кучларимизни янада такомиллаштиришда амалга оширилаётган ислохотлар, ҳарбий қисмларни ҳам жисмонан, ҳам маънан баркамол, салоҳиятли кадрлар билан бутлаш борасида олиб борилаётган ишлар, ёшлар

оид давлат сиёсати ижросига доир масалалар юзасидан атрофлича тўхталиб ўтдилар.

Тадбир давомида ҳарбий қисм бадий ҳаваскорлик гуруҳи, шунингдек беш муҳим ташаббус доирасида мактабда ташкил этилган тўғараклар аъзоларининг мусиқий чиқишлари, хонандалар ва ўқувчи ёшларнинг куй-қўшиқлари барчага кўтаринки кайфият бағишлади. Шунингдек, ҳарбий хизматчиларнинг қўл жанги кўргазмалари машқлари, фахрий қоровул ва спорт тўғараклари аъзоларининг чиқишлари ҳам йиғилганларда катта таассурот қолдирди.

Юрт ҳимоячилари томонидан намойиш этилган қурол-аслаҳа, ҳарбий техникалар кўргазмаси ёшларнинг ҳарбий ҳаёт ҳақидаги тасавурларини янада бойитган бўлса, эртамиз эгаларининг ижодий ишлар намойиши, театр, мусиқа санъати бўйича чиқишлари ҳарбийлар томонидан катта қизиқиш билан кутиб олинди.

Таъкидлаш жоизки, мазкур кенг қамровли тадбирлар ёшларнинг ҳарбий касбга ҳавасини уйғотиш, уларни она Ватанга садоқат руҳида тарбиялаш, тинчлик ва осойишталикнинг қадрига етиш хисларини шакллантиришга хизмат қилади. Тадбир якунида фаол иштирокчилар қўмондонликнинг фахрий ёрлик ва китоблар тўплами билан тақдирланди.

Юрт ҳимояси, уни асраб-авайлаш ишига ҳисса қўйиш, умрини Ватан тинчлигига бағишлаш ҳар бир фарзанд учун муқаддас бурчдир. Узок йиллар давомида шарафли бурчини адо этиб, устозлик даражасига етган Қуролли Кучлар фахрийлари бугун ҳурмат-эҳтиромда.

ФАХРИЙЛАРГА ЭҲТИРОМ

Юнусобод туманидаги 26-болалар мусиқа ва санъат мактабида Мудофаа вазирлиги Тоифаланган объектларни қўриқлаш қўшинлари қўмондонлиги, туман ҳокимлиги, мудофаа ишлари бўлими, давлат ва жамоат ташкилотлари вакиллари иштирокида ўтказилган тадбир ҳам фахрийларнинг кўп йиллик хизмати эътирофига бағишланди.

Унда сўз олганлар тадбирнинг айнан мактаб биносида ўтказилиши ёш авлод қалбида ватанпарварлик, аждодларга муносиб ворис бўлиш хиссини шакллантиришини алоҳида таъкидладилар. Тадбир давомида 25 нафар фахрийга «Мудофаа вазирлиги фахрийси» кўкрак нишони тантанали тарзда топширилди.

Қуролли Кучлар Марказий ашула ва рақс ансамбли хонандалари, таниқли санъаткорлар ҳамда ўқувчи ёшлар ижросидаги куй-қўшиқлар барчага байрамона кайфият улашди.



Капитан Фариди БОБОЖОНОВА, Тоифаланган объектларни қўриқлаш қўшинлари қўмондонлиги матбуот хизмати бошлиғи

ТЕЗКОРЛИК – ҒАЛАБА КАЛИТИ

НАЗАРИЙ БИЛИМЛАР амалий машғулотларда сайқалланмоқда

Ҳарбий ҳаракатлар чоғи кўшинларни бир жойдан иккинчи ҳудудга ўз вақтида, тезкорлик билан етиб бориши улар олдига қўйилган вазифаларни бажаришда асосий йўналишлардан бири ҳисобланади. Мудофаа вазирлиги ҳарбий ҳаракатлар бошқармаси шахсий таркиби томонидан ҳарбий юкларни транспорт воситаларида ташиш соҳасига янгиликлар олиб кириш, кўшинларни янада тезкорлик билан белгиланган манзилларга етиб боришини таъминлаш, ҳаракат давомида хавфсизликни сақлаш бўйича бир қатор ишлар амалга ошириб келинмоқда.



Кўшинларни темир йўл платформалари орқали ташишда керак бўладиган барча турдаги таъминот воситаларининг электрон ҳисоблаш дастури яратилиши, техникаларни платформаларга эски турдаги сим воситалари орқали қотиришдан воз кечган ҳолда, замонавий кўп маротаба ишлатиладиган занжирлардан фойдаланилаётганлиги, ҳаракатдаги техникаларни қўриқлаб кетиш учун тайинланган қоровул шахсий таркиби хизмат олиб бориши учун барча қулайликларга эга махсус вагонларнинг яратилганлиги шулар жумласидандир. Шунингдек, республикамизнинг барча ҳарбий дала-ўқув майдонларида ҳарбий хизматчиларга моддий-техник воситалар ва ҳарбий техникаларни темир йўл платформаларига ортиш-тушириш ишларини ўргатиш учун барпо этилган ўқув нуқталари ва синфлари ҳам бунга мисол бўла олади.

Ушбу йўналишдаги назарий ва амалий кўникмаларни ошириш мақсадида Марказий ҳар-



бий округ ҳудудида жойлашган ҳарбий қисм ва муассасаларда дастлаб назарий машғулотлар ташкиллаштирилди. Шундан сўнг ҳарбий хизматчилар Самарқанд темир йўл бекати, шохобчаси ва аэропортида ўз назарий билимларини амалиётда синовдан ўтказди.

Машғулотларда асосий эътибор ҳарбий хизматчиларни янги турдаги маҳкамлаш мосламаларидан тўғри фойдаланишга ўргатиш, техникаларни темир йўл платформаларига жойлаштиришдаги тезкорликларини ошириш, ҳаракат давомида қоровуллик хизматини ташкил қилиш, шунингдек, юклаш-тушириш жойларини ва ҳарбий техникаларни тўғри ниқоблаш, хавфсизлик қоидаларига риоя этилишига қаратилди.

Майор Феруз ОТАМУРОДОВ



ЎҚУВ-УСЛУБИЙ МАШҒУЛОТ

ЖАНГОВАР ШАЙЛИКНИ ОШИРИШГА ХИЗМАТ ҚИЛАДИ

Жануби-ғарбий махсус ҳарбий округга қарашли Муборак ва Нуристон дала-ўқув майдонларида Қарши темир йўл бекати, шохобчаси ва аэропорти ҳарбий ҳаракатлар таркибий бўлими томонидан ҳарбий техникаларни темир йўл платформаларига ортиш-тушириш ва маҳкамлаш бўйича ўқув-услубий машғулот ўтказилди.



Гарнизонлардаги ҳарбий қисм ҳарбий хизматчилари иштирок этган машғулот турли ўқув нуқталарида ўтказилиб, унда асосий кўзланган мақсад янги жорий этилган занжирли қотириш мосламаларидан тўғри фойдаланиш, сақлаш ва ҳисобини юритиш бўйича амалий кўникмалар ҳосил қилиш ҳамда мавжуд кўникмаларни такомиллаштиришдан иборат бўлди.

Мазкур тадбир давомида қатнашчиларга темир йўл платформаларига ҳарбий техникаларни жойлаштиришнинг замонавий йўл-йўриқлари амалда кўрсатилиб, техника хавфсизлиги талабларига қатъий риоя этиш



ва техникаларни вагонларга юклашда эҳтиёт чораларига эътибор қаратиш лозимлиги тушунтириб ўтилди.

Шуни алоҳида таъкидлаш керакки, эндиликда техника ва юкларни темир йўл платформаларига маҳкамлаш учун кўп йиллик хизмат қилишга тайёр ва ишлатишда қулай бўлган мустақам занжирли усуллардан фойдаланилади. Албатта, бу каби ташкил этилаётган дала-ўқув машғулотлари кўшинларнинг жанговар шайлигини янада оширишга хизмат қилади.

Жануби-ғарбий махсус ҳарбий округ матбуот хизмати

МУВАФФАҚИЯТЛИ ҚАДАМЛАР

Хаваскор боксда кўплаб муваффақиятларга эришган Мудофаа вазирлиги Олий спорт натижаларини ривожлантириш марказининг собиқ аъзоси Козимбек Мардонов профессионал бокс бўйича ўзининг илк жангини ўтказди ва ғалаба қозонди. Шунингдек, ҳамюртимиз Лазизбек Муллажонов ҳам профессионал боксдаги фаолиятини муваффақиятли бошлади.



сўнг Степанов жангни давом эттира олмади ва Муллажонов илк ғалабасига эришди.

Хаваскор бокс бўйича Рио Олимпиадаси совриндори, эндиликда профессионал бокснинг ярим оғир вазн тоифасида ўз фаолиятини олиб бораётган Рустам Тўлаганов (3-0, 1 KO) ҳам Москвада кечган бокс оқшомида рингга кўтарилди. Тўлик, яъни 8 раунд давом этган тўқнашувда юртдошимиз колумбиялик Беби Берросал (17-7, 16 KO) устидан очколар ҳисобида ғалабага эришди. Бу Тўлагановнинг профессионал боксдаги тўртинчи ғалабасидир.

Профессионал боксдаги фаолияти мобайнида 17 та жанг ўтказиб, уларнинг барчасида ғалаба қозонган ва 9 марта рақибларини нокаутга учратган ҳамюртимиз Қудратилла Абдуқаҳҳоров эса айни вақтда АҚШда машғулотлар олиб бормоқда. Қудратилла IBF рейтинги етакчиси ва чемпионлик камарига даъвогар ҳам ҳисобланади. Абдуқаҳҳоров навбатдаги 10 раундлик жангини 13 март куни ўтказди ва пуэрто-рикалик Хавьер Флоресга қарши рингга кўтарилди. Флорес ҳам шу пайтга қадар 17 та жанг ўтказиб, уларнинг 15 тасида ғалаба қозонган ва 13 тасида рақибларини нокаутга учратган.

Америка Қўшма Штатларида ўтказилган профессионал бокс оқшомида Козимбек Мардонов супер ўрта вазн тоифасида аргентиналик Марсело Рубин Молинага (23-1, 19 KO) қарши жанг қилди. Тўрт раунд этиб белгиланган жангда вакилимиз рақибини муддатидан олдин, яъни иккинчи раунддаёқ нокаут билан мағлуб этди. Ушбу жангни супер ўрта (-76 кг) вазн тоифасида ўтказган Козимбек келгусидаги жанглари ўрта (-72 кг) вазн тоифасида давом эттиришни режалаштирган.

Россиянинг «Patriot» компанияси томонидан Москва шаҳрида ташкил этилган бокс оқшомида эса ҳамюртимиз Лазизбек Муллажонов профессионал боксдаги ўз дебют жангини ўтказди. Супер оғир вазн тоифасидагилар ўртасидаги жангда ёш боксчимизга россиялик Александр Степанов рақиблик қилди. Олти раунд этиб белгиланган жанг охиригача этиб бормади, иккинчи раунддаёқ тўхтатилди. Боксчимиз томонидан берилган кучли зарбалардан

ШОҲСУПА

(хабарлар)

ТЕННИС



Юртимиз биринчи ракеткаси Денис Истомин Францияда ташкил этилган «Open Quimper Bretagne» турнирида словакиялик Лукаш Лацкога қарши кортга чиқди ва рақибни қаршилигини қийинчилик билан уч сетда синдиришга муваффақ бўлди: 6:3, 6:7(2:7), 7:6(7:4). Турнирнинг 1/8 финал босқичида теннисчимиз мезбонлар вакили Констан Лестьенга қарши кортга чиқди. Томонлар эйслар бўйича тенг натижа кўрсатган ва икки сет давом этган учрашув франциялик ракетка устаси фойдасига ҳал бўлди – 6:4, 6:4.

ФУТЗАЛ



Баҳодир Аҳмедов бош мураббийлигидаги Ўзбекистон футзал терма жамоаси пойтахтимизда ташкил этилган навбатдаги ўқув-машғулоти йўғини давомида амалдаги жаҳон чемпиони Аргентина терма жамоасига қарши иккита ўртоқлик ўйини ўтказди. Ҳар икки баҳсда ҳам Аргентина футзал терма жамоаси 1:0 ҳисобида ғалаба қозонди.

ЯККАКУРАШ



Ҳамюртимиз Маҳмуд Муродов ММА (аралаш жанг санъати) бўйича фаолиятини муваффақиятли давом эттирмоқда. У ўзининг учинчи жангини америкалик Эндрю Санчесга қарши ўтказди ва сўнгги дақиқаларда рақибини техник нокаутга учратди. Муродов ушбу жанги учун 14 минг, ғалабаси учун яна 14 минг, ҳомийлардан 3,5 минг ва «Жанг кечасининг энг яхши чиқиши»ни намоиш этгани учун 50 минг, жами 81,5 минг АҚШ доллари билан тақдирланди.

* * *

Қозоғистоннинг Алмати шаҳрида ўтказилган ММА бўйича халқаро турнирда эса ҳамюртимиз Ўғилой Насимова -58 кг вазн тоифасида мезбонлар вакиласи Гулмира Собиржоновлага қарши жанг қилди. Спортчимиз кетма-кет зарбалари орқали рақибсини биринчи раунддаёқ нокаутга учратди. Бу Ўғилойнинг профессионал фаолиятидаги 5-жанги бўлиб, уларнинг 4 тасида ғалаба қозонган ва бир марта мағлубиятга учраган.

ФУТБОЛ



2021 йилги Осиё чемпионлар лигаси (ОЧЛ)нинг гуруҳ босқич баҳсларига қуръа ташланди. Жорий йилдан эътиборан гуруҳ босқич баҳсларида Осиё футбол конфедерациясининг 40 та клуби иштирок этиб, 10 та гуруҳда 4 тадан жамоа ўзаро куч синашадиган бўлди. Фарб минтақасидаги ўйинлар 14-30 апрель кунлари, Шарқ минтақасидаги ўйинлар эса 21 апрелдан 7 майгача марказлашган ҳолда бўлиб ўтади. Қуръа ташлаш маросимида «Пахтакор» жамоаси Ўзбекистон чемпиони сифатида 3-саватчадан жой олди ва 2021 йилги Осиё чемпионлар лигаси мусобақасининг «В» гуруҳида «Шаржа» (БАА) ҳамда «Тракторсози» (Эрон) жамоаларига қарши рақобатлашадиган бўлди. Шунингдек, ушбу гуруҳдан «Ал-Ваҳда» (Саудия Арабистони) ва «Ал-Қува Ал-Жавия» (Ироқ) ўртасидаги учрашув ғолиби ҳам ўрин олади. Ўзбекистоннинг яна бир вакили АГМК клуби плей-офф босқичида «Ал-Гарафа»ни мағлуб этса, ОЧЛнинг «А» гуруҳида «Ал-Ҳилол» (Саудия Арабистони), «Шабаб Ал-Аҳли Дубай» (БАА), «Истиклол» (Эрон) жамоалари билан куч синашади.

БАРЧА ҚИЗЛАРИМИЗ СОВРИНДОР

Беларуснинг Орша шаҳрида хаваскор бокс бўйича «Memorial – 2021» халқаро мусобақаси бўлиб ўтди. Унда қатнашган боксчи қизларимизнинг барчаси совриндорлар сафидан жой олди.

Негизи асосан армиямиз чарм қўлқоп усталаридан ташкил топган мамлакатимиз бокс терма жамоаси 2016 йил Бразилиянинг Рио шаҳрида ўтказилган XXXI ёзги Олимпиада ўйинларида умумжамоа ҳисобида биринчи ўринни қўлга киритган ва юртимиз бокси довуғини дунёга таратганди. Утган ҳафта Беларусь мамлакатида ўтказилган аёллар ўртасидаги «Memorial – 2021» халқаро мусобақаси ҳам жаҳон бокс ихлосмандларини ҳайратга солди ва юртимизда ушбу спорт тури хотин-қизлар орасида ҳам анча раванқ топганига амин бўлишди. Беларусь Республикасида хизмат кўрсатган мураббий А.К. Колчин хотирасига бағишланган мазкур халқаро мусобақада 8 нафар вакилимиз қатнашди ва

яқунда барчаси шоҳсупага кўтарилди. Хусусан, 7 нафар боксчи қизимиз финалгача муваффақиятли жанг қилди. Уларнинг 5 нафари ҳал қилувчи баҳсда ҳам ғалаба қозониб, турнирнинг олтин медалига эгалик қилган бўлса, икки нафари яхши имкониятни бой бериб, кумуш медаль билан кифояланди. Фақат бир нафар вакилимиз, яъни -57 кг вазн тоифасида рингга чиққан Ситора Турдибекова ярим финалгача муваффақиятли одимлаб, бронза медаль билан тақдирланди. Турнир якунига кўра, мусобақада қатнашган 8 нафар боксчимизнинг барчаси совриндор бўлиб, Ўзбекистонга медаль билан қайтди.

Бокс бўйича эркаклар ўртасидаги Жаҳон кубоги баҳслари АИБА директор-

Олтин медаль соҳибалари:

-51 кг: Гуласал Султоналиева.
-54 кг: Ситора Шогдарова.
-60 кг: Дилфуза Бекова.
-64 кг: Моҳинабону Абдуллаева.
-69 кг: Навбахор Ҳамидова.

Кумуш медаль соҳибалари:

-60 кг: Зиёда Ярашева.
-69 кг: Хадичабону Абдуллаева.

Бронза медаль соҳибаси:

-57 кг: Ситора Турдибекова.

лар кенгаши томонидан 2022 йилга қолдирилди. Бунга Европада қайта авж олаётган COVID-19 вируси келтириб чиқарган пандемия сабаб бўлмоқда. Ёшлар ўртасидаги бу йилги жаҳон чемпионати эса 10-24 апрель кунлари Польшанинг Кельце шаҳрида ташкил этилади.

КЎРГАЗМАЛИ МАШҒУЛОТ ЭҲТИРОМ

БИЛИМ ВА
КЎНИКМАЛАР ОШИРИЛДИ

Ўзбекистон Республикаси Қуролли Кучлари Кичик мутахассисларни тайёрлаш марказида Ички ишлар вазирлиги махсус операцияларни мувофиқлаштириш бошқармаси вилоят махсус отряди ва фавқулодда вазиятлар бошқармаси ҳамкорлигида кўргазмали машғулот ўтказилди.



Машғулот марказининг кичик дала-ўқув майдонида муҳандислик қўшинлари ва радиацион кимёвий-биологик муҳофаза йўналиши бўйича тахсил олаётган курсантлар иштирокида бўлиб ўтди.

Машғулотда вилоят махсус отряди мутахассислари курсантларга портловчи моддаларни аниқловчи ва зарарсизлантирувчи замонавий техника воситалари ҳақида батафсил маълумот беришди ва кўргазмали машғулот ўтказишди.

Иккинчи ўқув нуктасида эса вилоят фавқулодда вазиятлар бошқармаси махсус қутқарув гуруҳи ходимлари фавқулодда вазиятлар содир бўлганда, махсус кийимлар, замонавий қутқарув воситаларидан оқилона фойдаланиш бўйича амалий машқларни намойиш қилишди.

Машғулотда курсантлар ўзларини қизиқтирган саволларга жавоб олдилар.

Контракт бўйича ҳарбий хизматчи, оддий аскар Хайрулло ЎЛМАСОВ, марказ пресс-атташеси

НАВОИЙ ЁДИ БИЛАН ЯШАЙМАН

Термиз шаҳридаги 5-умумтаълим мактабида буюк бобокалонимиз Алишер Навоий таваллудига бағишлаб «Навоий ёди билан яшайман» мавзусида тадбир ўтказилди.

Унда мактабнинг «Ёш тилшунослар» тўғараги аъзолари шоир ҳаёти ва ижоди ҳақида батафсил маълумот бериб, Навоий ижодидан намуналар ўқишди. Айниқса, иқтидорли ўқувчилар томонидан ёзувчи Ойбекнинг «Навоий» романида тасвирланган воқеалар асосида тайёрланган сахна кўриниши, ижро этилган миллий куй ва рақслар тадбирга ўзгача руҳ бағишлади.

Ҳа, улуғ аждодларимиз руҳи покларига эҳтиром ифодаси бўлган бу каби тадбирлар ўқувчиларда ватанпарварлик, халқсеварлик, аждодлар меросига ҳурмат руҳини мустаҳкамлашда муҳим аҳамият касб этиши билан қимматлидир.

Беғам ТЎХТАЕВА, она тили ва адабиёт фани ўқитувчиси

УЧРАШУВ

ҲАРБИЙ ПРОКУРОР ВА ЁШЛАР

Қарши ҳарбий прокуратураси ташаббуси билан Ёшлар иттифоқи вилоят кенгаши ва Халқ таълими вазирлиги вилоят бошқармаси ҳамкорлигида уюшмаган ёшлар ва Қарши шаҳридаги 17-сонли имконияти чекланган болалар мактаби ўқувчилари иштирокида Ўзбекистон олий ҳарбий авиация билим юртида очиқ мулоқот тарзида «Прокурор ва ёшлар» учрашуви ташкил этилди.

Унда ёшлар билан бево-сита суҳбат ўтказилиб, Ўзбекистон Республикаси Президентининг Парламентга ва халқимизга йўллаган Мурожаатномаси, 2021 йил 27 январь кунги ёшларнинг бандлигини таъминлаш ва бўш вақтини мазмунли ташкил этиш бўйича ўтказилган видеоселектор йиғилишидаги муҳим йўналишлар мазмун-моҳияти юзасидан батафсил тушунчалар берди.

Мулоқотда ёшлар ўзларини қизиқтирган саволлар билан фаол иштирок этиб, улар томонидан авиация билим юртидаги мавжуд имкониятлардан, хусусан, спорт зали, футбол майдончаси ва бошқа спорт анжомларидан фойдаланган ҳолда спорт билан шуғулланиб туришлари бўйича билдирилган истаклари ижобий ҳал этилди.

Жумладан, авиация билим юрти ва 17-сонли имконияти чекланган болалар мактаби ўртасида «Тўғаракларни ташкил этиш ва ўтказиш режаси» имзоланди. Бу эса ёшларнинг ҳар ҳафтада 3 кун 6 та йўналиш бўйича спорт ва касбий тайёрлов тўғаракларига жалб қилинишига, пировардида, уларнинг бўш вақтини мазмунли ташкил этилишига муносиб замин яратади.

Учрашув билим юрти бўйлаб давом этиб, тўғаракнинг дастлабки куни сифатида ёшлар ҳарбий прокурор иштирокида спортнинг бадминтон тури бўйича ўзаро беллашдилар ҳамда улар эътиборига спорт усталари томонидан бир қанча спорт турлари бўйича «мастер класслар» намойиш қилинди.

Адлия подполковниги Жаҳонгир АШУРОВ, Қарши ҳарбий прокурори

ЁНҒИН ХАВФСИЗЛИГИ



КЎРИНМАС ЁВНИНГ АЯНЧЛИ ОҚИБАТЛАРИ

Қишнинг совуқ кунларида хизмат ва яшаш хонадонларини иситиш мақсадида айрим ҳарбий ва ишчи хизматчилар ҳамда уларнинг оила аъзолари турли хил қўлбола, ностандарт электр қурилмалари ёки ускуналаридан фойдаланадилар.

Айниқса, қисқа вақт ичида тегишли хонани иситиш, арзон ва тез топиладиган жиҳатларини биринчи навбатда инobatга олиб, қўлбола электр спирал ускунаси (печка)дан фойдаланишга йўл қўядилар, бироқ иккинчи томони, яъни унинг давлат стандартига жавоб бермаслиги, махсус техник ҳужжати йўқлиги, махсус химоя қопламаси мавжуд эмаслиги, кўп миқдорда электр токини сарфлаши, таг қисми ҳамда электр узатиш симларининг ускуна билан улаш жойлари очиқлиги, аксарият ҳолларда эътиборсиз қолади. Бу ҳол ёнғин ҳодисаларининг келиб чиқишига сабаб бўлиши, қўлбола мосламалардан фойдаланиш оқибатида келиб чиққан ёнғинлар қанчалар аянчли мусибатга олиб келиши, моддий ва маънавий зарар келтириши ҳақида хаёлларига ҳам келтирмайдилар. Уй ёки хизмат хонаси ёниб кетганида эса пушаймон қиладилар.

Ҳарбий қисм ёки муассасаларда ҳамда яшаш уйларида ёнғин келиб чиқишига биринчи навбатда шахсий таркиб томонидан қурилма ва ускуналардан эътиборсиз ва назоратсиз фойдаланиш, унинг техник жиҳатдан носозлиги, қолаверса, иситиш ва ёритиш манбаларига нисбатан совуққон муносабатда бўлиш асосий сабаблардан биридир.

Об-ҳавонинг кескин совиб кетиши давомида ҳарбий қисм, муассаса ва ташкилотлар ёки яшаш жойларида иситиш мослама ва ускуналарига эҳтиёж ошади. Ушбу даврда айниқса газ ва электр мосламаларидан фойдаланиш жараёнидаги қоидабузарлик, қўлбола ускуналардан фойдаланган ҳолда уларни назоратсиз қолдириш оқибатида ёнғин келиб чиқади ва одамларнинг ҳаёти, соғлиги, мол-мулкига, шунингдек, атроф табиий муҳитига жиддий зарар етказилади. Одамлар ёнғин хавфсизли-



ги қоидаларини билмаслиги ёки билиб туриб, уларга амал қилмаслиги, қолаверса, Ўзбекистон Республикасининг «Ёнғин хавфсизлиги тўғрисида»ги қонунида белгилаб берилган ҳуқуқ ва мажбуриятлардан беҳабарлиги оқибатида турли даражадаги ёнғинларнинг келиб чиқишига сабабчи бўлмоқда.

Яшаш уйлари ва хизмат жойларида ёнғин содир бўлишининг олдини олиш мақсадида белгиланган ёнғин хавфсизлиги талабларини тўлиқ ва сифатли бажариш, бу борада шахсий жавобгарлик ҳамда эҳтиёткорликни унутмаслик талаб этилади.

Подполковник Зокир КЕНЖАЕВ, Тошкент гарнизони ёнғин назорати инспекцияси бошлиғи

Жанубий ярим шарда, ўхшаш номдаги материк ҳамда Тасмания ва бир қатор бошқа оролларида жойлашган, қирғоқларини Тинч ва Ҳинд океани сувлари ювиб турувчи Австралия бугунги кунга келиб дунёнинг энг ривожланган давлатлари қаторидан ўрин олган. Иқтисодий жиҳатдан барқарор бўлган мазкур мамлакат раҳбарияти барча соҳалар қатори миллий Қуролли Кучларни ривожлантиришга ҳам доимий эътибор қаратиб келмоқда. Амалдаги доктринал ҳужжатларга мувофиқ, мамлакат ҳудудини ҳимоя қилиш, Жануби-Шарқий Осиё ва Тинч океани минтақасида хавфсизлик ва барқарорликни таъминлаш миллий армия олдига қўйилган асосий вазифалар ҳисобланади. Ҳозирги даврга келиб, Австралияда юқори жанговар қобилият ва яхши тайёргарликка эга бўлган, ҳар томонлама яхши таъминланган Қуролли Кучлар шакллантирилган бўлиб, Қуруқликдаги қўшинлар унинг асосий ва энг кўп сонли тури ҳисобланади. Бу турдаги қўшинлар олдига миллий манфаатларни таъминлаш ва юзага келувчи таҳдидларга қарши курашиш, мамлакат аҳолисини, шунингдек, чет эллик фуқароларни (умумий аҳолининг учдан бир қисмини хорижда туғилган шахслар ташкил этади) ҳимоялаш ва зарурат туғилган ҳолатларда уларга тегишли ёрдам кўрсатиш каби вазифалар қўйилган.



Ҳозирда Қуруқликдаги қўшинларнинг умумий сони 47 минг кишини, шу жумладан, мунтазам кучлар ҳарбий хизматчилари 31 минг, резервдаги ҳарбийлар 16 минг кишини ташкил этади. Ташкилий жиҳатдан қўшин таркибидан 1-дивизия ва учта қўмондонлик (қўшин, махсус операция кучлари, қўшиндан ташқари резерв тайёргарлиги қўмондонлиги) жой олган. Таъкидлаш жоизки, Австралия армиясининг полк ва эскадрон сингари аксарият бўлинмаларига тарихий номлар берилган, шу билан биргаликда, улар ўз таркиби ва сони бўйича батальон ва роталар ҳисобланади.

АВСТРАЛИЯНИНГ ҚУРУҚЛИКДАГИ ҚЎШИНЛАРИ

ҚУРУҚЛИКДАГИ ҚЎШИНЛАР

Умумий сони – 47 000 киши

	Жанговар танклар – 60 та.
	Зирхли жанговар машиналар – 1 700 дан ортиқ.
	Артиллерия тўплари – 400 га яқин.
	Зенит воситалари – 145 та.
	Вертолётлар – 150 дан ортиқ.
	Учувчисиз учиш аппаратлари – 15 та.

1-дивизия кенг қўламли операцияларни амалга ошириш, шунингдек, турли оператив ва жанговар тадбирларни ташкиллаштириш учун мўлжалланган. Дивизиянинг Брисбен шаҳрида жойлашган штаби Австралия ҚК Бирлашган операциялар қўмондонлигининг ердаги бўғинини бошқарувчи оператив орган ҳисобланади. Шунингдек, мазкур штаб зиммасига мамлакат армиясининг амфибия-десант кучларини ривожлантириш вазифаси ҳам юкланган.

Қўшин қўмондонлиги (штаби Сидней шаҳрида жойлашган) Қуруқликдаги қўшинларнинг энг кўп сонли бирлашмаси бўлиб, унинг таркибига мунтазам ва резерв кучлари бўлинмалари, шу жумладан, 6 та бригада (3 та умумқўшин, жанговар таъминот, армия авиацияси, моддий-техник таъминот), ўқув муассасалари ҳамда мунтазам кучлар бўлинмалари, шунингдек, 2-резерв дивизияси киритилган.

Махсус операция кучлари қўмондонлиги турли мақсадларда амалга ошириладиган операцияларда фойдаланиладиган бўлинмаларни тайёрлаш, бошқариш ва ҳар томонлама таъминлашга мўлжалланган бўлиб, унинг таркибига махсус авиадесант хизмати, резервдаги командос, командос ва муҳандислик полклари, моддий-техник таъминот эскадрони, ўқув-машқ маркази ҳамда парашют тайёргарлиги маркази кирилади.

Қўшиндан ташқари резерв тайёргарлиги қўмондонлиги 13 дан 19 ёшгача бўлган ёшларни Қуруқликдаги қўшинларда хизмат қилиш учун тайёрлашга масъул ҳисобланади. Кадетларни тайёрлаш етакчилик ва бошқарув, қояларга кўтарилиш, сув маҳорати, ўт очиб тайёргарлиги, навигация, радиоалоқа, омон қолиш кўникмалари ва тиббий тайёргарлик сингари асосий йўналишлар бўйича амалга оширилади. Ҳозирда ўқув дастурларига робототехника, илғор коммуникациялар, кибер-хавфсизлик ва инжиниринг каби инновацион йўналишлар ҳам киритилган.

Бугунги кунда қўшин тасарруфидаги жанговар техника ва қуроллар таркибидан асосан M1A1 «Абрамс» типдаги жанговар танклар, турли типдаги жанговар разведка машиналари, зирхли

транспортёрлар, «Бушмастер» ва «Хавкей» типдаги зирхли машиналар, танкка қарши ракета комплекслари, артиллерия тўплари, миномёт ва ба-раварига ўт очувчи ракета тизимлари, зенит-ракета комплекслари, зирхланган таъмирлаш-эвакуация машиналари, ARH «Тигр», CH-47F «Чинук», MRH-90 «Тайпан», S-70A-9 «Блэк Хок» B-206B-1 «Кайова» типдаги жанговар, разведкачи, транспорт ва кўп мақсадли вертолётлар, шунингдек, RQ-7B «Шэдоу» типдаги разведкачи учувчисиз учиш аппаратлари ва бошқа қуроллар жой олган.

Қуруқликдаги қўшинлар қўмондонлиги шахсий таркибни турли операциялар ва тинчликпарварлик миссияларида иштирок этишга фаол жалб қилади. Ҳозирда мамлакатнинг 1 000 дан ортиқ ҳарбийлари чет давлатлар, шу жумладан, Ироқ, Афғонистон, БАА, Филиппин, Жанубий Судан, Фаластин ва Синай яриморолари ҳудудида фаолият олиб бормоқда.

Шахсий таркибнинг жанговар шайлигини юқори даражада сақлаб туриш, замонавий қурол-яроғ ва ҳарбий техникалардан оқилона фойдаланишни



таъминлаш, жанговар ҳаракатлар олиб боришнинг янги усул ва услубларини жорий этиш, шунингдек, қисм ва бўлинмалар уюшқоқлигини янада ошириш мақсадида ҳарбий хизматчилар мунтазам равишда турли оператив ва жанговар тайёргарлик тадбирларида (шу жумладан, хориж давлатлари ҳудудида) фаол иштирок этиб келмоқда. Бундай тадбирлар миллий режалар ҳамда ўзаро Мудофаа битимида аъзо беш давлат – Австралия, Буюк Британия, Малайзия, Янги Зеландия ва Сингапур армияларининг қўшма режалари асосида ўтказиб келинмоқда.

Хулоса ўрнида айтиш мумкинки, Австралия ҳарбий раҳбарияти Қуруқликдаги қўшинларнинг Қуролли Кучларнинг ташкилий-штат тузилмасини янада оптималлаштириш, қўшинларни энг замонавий қурол-яроғ ва ҳарбий техника билан таъминлашни давом эттириш, оператив ва жанговар тайёргарлик тадбирларининг самарадорлигини янада оширишга доимий эътибор қаратиб келмоқда. Экспертлар фикрига кўра, Қуруқликдаги қўшинлар етарли даражадаги юқори жанговар салоҳиятга эга ҳамда мамлакат ҳудуди ва унинг ташқарисидида қўйилган вазифаларни самарали ҳал қилишга қодир.

П. САЙДИВАЛИЕВ тайёрлади.

ЯНГИ ТАШУВЧИ РАКЕТА



Эрон Мудофаа вазирлиги хабарига кўра, мамлакатда янги ташувчи ракетанинг илк парвози амалга оширилган. Таъкидланишича, «Зулжаҳон» деб номланган

ракета сунъий йўлдошларни орбитага олиб чиқиш учун мўлжалланган ва қаттиқ ёнилғида ишловчи қудратли двигателга эга. Ёнилғи сифатида 10 йил автоном ишлашга етадиган металл диэлектрик пластиналар қўлланади. Мазкур ракета оғирлиги 220 кг келадиган сунъий йўлдошни 500 км.гача баландликка олиб чиқиши мумкин.

ҚАЛБАКИ ВАКЦИНАЛАР



Хитой полицияси коронавирусга қарши қалбаки вакциналарни тарқатиш билан шуғулланган 80 дан кўпроқ кишини қўлга олди ва қалбаки дорининг 3 мингдан кўпроқ дозасини мусодара қилди, деб хабар беради «Синьхуа» ахборот агентлиги. Маълумотларга кўра, бу шахслар 2020 йил сентябридан бошлаб Пекин ва Шанхайда, шунингдек, Шандун провинциясида оддий физиологик аралашма (физраствор) билан тўлдирилган шприцларни коронавирусга қарши вакцина сифатида катта нархга сотиб келган.

Интернет материаллари асосида тайёрланди.

МЬЯНМАДА ҲАРБИЙ ТЎНТАРИШ



Мьянма сайлов комиссияси ва ҳукмрон «Миллий лига демократия учун» партиясини ноябрь ойида ўтказилган умуммиллий сайловлар натижаларини сохталаштиришда айблаган мамлакат ҳарбийлари амалдаги ҳукумат раҳбарларини, шу жумладан, мамлакат Президенти Вин Мьяннта ва давлат маслаҳатчиси (аслида Бош вазир), Нобель мукофоти лауреати Аун Сан Су Чжини, шунингдек, ҳукмрон партияга аъзо ёки у билан боғлиқ бўлган ҳукумат ва давлат амалдорларини ҳибсга олдилар.

БУ ҚИЗИК

ДУНЁНИНГ ЭНГ МАШХУР ДЕВОРЛАРИ

Қадим замонлардан буён деворлар ҳимоя қилиш учун қурилган бўлиб, улар шаҳар ёки қалъа аҳолисини бесабаб ташқарига чиқармаслик ва бегоналарнинг кириб келмаслиги учун хизмат қилган. Шу сабабли тарихий меъморий ёдгорликлар орасида жуда кўп қалъалар, босиб олиб бўлмайдиган шаҳарлар ҳамда минглаб километр узунликдаги деворлар мавжуд. Бугунги мавзу ана шундай деворларга бағишланади. Қуйида дунёдаги энг машхур 10 та деворнинг рўйхати келтирилган.

ВЬЕТНАМ УРУШИ ФАХРИЙЛАРИ МЕМОРИАЛИ



10 Вьетнам уруши фахрийлари мемориали Вашингтонда Линкольн мемориали яқинида жойлашган бўлиб, АҚШнинг миллий ёдгорлиги ҳисобланади. Вьетнам уруши пайтида ҳалок бўлган ёки бедарак кетган Америка аскарлари хотирасига бағишланган. У 3 қисмдан иборат – Вьетнам фахрийлари мемориали деворлари, «Уч аскар» ҳайкали ва Вьетнам аёллари мемориали. Уни яратиш ғояси Вьетнам урушининг фахрийси Ян Скругсга тегишли.



САКСАЙУАМАН

9 Саксайуаман 900 – 1200 йиллар оралиғида қурилган тош деворлар сажмуаси бўлиб, Перудаги инклар империясининг собиқ пойтахти Куско шаҳри яқинида жойлашган. У узунлиги 400 м бўлган поғонама-поғона қурилган учта мегалитик деворлардан иборат. Бу девор қурилишида жуда катта тошлар ишлатилган, уларга эҳтиёткорлик билан ишлов берилган ва ҳеч қандай қоришмасиз бир-бирига маҳкам ёпиштирилган. Ишлатилган энг катта тошнинг баландлиги 9 м, кенлиги 5 м, қалинлиги эса 4 м бўлиб, оғирлиги 350 тоннани ташкил қилади.



1983 йилда ЮНЕСКО Саксайуаман деворларини ўз ҳимоясига олган.

БУЮК ЗИМБАБВЕ

8 Буюк Зимбабве – Жанубий Африканинг Масвинго провинциясида жойлашган қадимги тош шаҳар харобаларидир. Зимбабве Қироллигининг собиқ пойтахти. Бу шаҳарга тахминан 1130-йилларда асос солинган ва икки-уч аср давомида мавжуд бўлган. Унинг энг муҳим хусусиятларидан бири деворлари бўлиб, баъзиларининг баландлиги 5 метрдан ошади ва булар ҳам ҳеч қандай эритма ёки қоришмасиз қурилган.



БОБИЛ

7 Бобил энг муҳим қадимий шаҳарлардан биридир. У замонавий Ироқнинг Бағдоддан 90 км жанубида, Ефрат дарёси яқинида жойлашган.

Бобилнинг асосий тўртбурчак шаклидаги девори Имгур-Энлил деворидир. У бугунги кунгача сақланиб қолган. Ушбу истехкомнинг умумий узунлиги 8 километрдан ортиқроқ. Унинг келиби чиқиши милoddан аввалги 575 йилга бориб тақалади ҳамда



улуғворлиги ва архитектураси тўфайли қадимги дунёнинг ажойиботларидан бири ҳисобланади.

СТОН

6 Стон Хорватиядаги Пелжесак яриморслининг жанубий қисмида жойлашган шаҳарчадир. Асосий диққатга сазовор жойи – Стон девори. XV асрда қурилган бу шаҳар икки шаҳарни боғлаб турган. У Дубровник шаҳри учун мудофаа иншооти сифатида қурилган бўлиб, 40 та минора ва 5 та қалъадан иборат эди. Стон девори Европадаги энг узун девор ҳисобланиб, у

7 километргача чўзилган. Аммо 1667 йилдаги зилзила тўфайли у жиддий зарар кўради. Натижада ундан 5,5 километр қолган холос. Бугунги кунда унинг катта қисми қайта тикланган.



(Давоми келгуси сонда)

С. МАМИРЖОНОВА тайёрлади.

МУДОФАА ВАЗИРЛИГИ ТИКЛАНДИ



Қирғизистон Президенти Садирав Жапаров мамлакат Мудофаа вазирлигини қайта тиклашга қарор қилди. Бу ҳақда Президентнинг матбуот хизмати

хабар берган. 1993–2015 йилларда фаолият олиб борган Қирғизистон Мудофаа вазирлиги Алмазбек Атамбоев Президентлиги даврида Мудофаа ишлари бўйича давлат қўмитасига айлантирилган эди. Хабарда айтилишича, Мудофаа вазирлигини ташкил этиш тўғрисидаги фармон «Қуролли Кучлар бошқарув тизимини янада ривожлантириш» мақсадида имзоланган.

ЗАМОНАВИЙ КОМПЛЕКС



Қозоғистон армиясининг Ҳаво ҳужумидан мудофаа қўшинлари Россиянинг «Алмаз-Антей» концерни томонидан ишлаб чиқарилган «БУК-М2Э» типидagi замонавий зенит-ракета комплексини қабул қилиб олди. Бу ҳақда мамлакат Мудофаа вазирлиги сайтида хабар берилган. «Мамлакатимиз ҳаво чегараларини қўриқлаш учун ўз тоифасида энг самарали воситалардан бири ҳисобланувчи, самарадорлиги 99 фоизгача бўлган ракеталар билан жиҳозланган замонавий комплекс келтирилди», дейилади хабарда.

ТИНЧЛИК ВА ИШОНЧ ЙИЛИ



Туркманистонда Президент Гурбангули Бердимухамедов ташаббуси билан БМТ томонидан эълон қилинган Халқаро тинчлик ва ишонч йилининг очилиш маросими бўлиб ўтди. Шу муносабат билан ўтказилган тантанали тадбирда маҳаллий ҳукумат аъзолари, хорижий дипломатлар ва БМТ, ЕХҲТ, МДХ, Ядро синовларини тақиқлаш тўғрисидаги шартнома ташкилоти сингари нуфузли халқаро ташкилотлар вакиллари иштирок этди, деб хабар беради CentralAsia.news ахборот агентлиги.

Интернет материаллари асосида тайёрланди.

МИНТАҚАДА

ЖАРАЁН

Қорақалпоғистон Республикаси Жўқорғи Кенгесининг ўн тўртинчи сессиясида Шимоли-ғарбий ҳарбий округ қўшинлари қўмондонининг 2020 йилда амалга оширилган ишлар ҳамда 2021 йилга белгиланган режалар ҳақида ахбороти тингланди. Сессияда Ўзбекистон Республикаси Олий Мажлиси Сенати, Қорақалпоғистон Республикаси ҳукумати аъзолари, сектор ва соҳа раҳбарлари, куч тузилмалари вакиллари ҳамда оммавий ахборот воситалари ходимлари иштирок этди.

Бугунги кунда мамлакатимиз хавфсизлиги ва барқарорлигини таъминлаш, Қуролли Кучларимизнинг мудофаа салоҳиятини янада кучайтириш, ҳарбий соҳада олиб борилаётган ислохотларни жадаллаштириш, замонавий, ҳаракатчан ва ҳар томонлама яхши қуролланган армияни ташкил этиш бўйича самарали ишлар амалга оширилмоқда. Таъкидлаш жоизки, давлатимиз раҳбари ташаббуси билан ҳудудларда мудофаа соҳасида ягона давлат сиёсатини юритиш, армия ва халқнинг бирлигини таъминлаш, ўсиб келаётган ёш авлодни ватанпарварлик руҳида тарбиялаш мақсадида ҳарбий-маъ-

ҚЎЛ ЖАНГИ

Амир Темура, Жалолиддин Мангуберди, Темура Малик, Заҳириддин Муҳаммад Бобур каби буюк саркардаларимиз қўшинларида кенг қўлланилган қўл жанги санъати бугунги кун Қуролли Кучларимиз тизимининг ажралмас бир бўлагига айланди. Буюк аجدларимиз душманга нисбатан фойдаланган жанг усуллари замонавий кўринишда ўз жозибдорлигини ошириб бормоқда.

Турли тадбирларда ҳарбий хизматчиларнинг қўл жанги бўйича чиқишлар билан қатнашиши анъанага айланиб, барчанинг олқишига сазовор бўлмоқда. Айниқса бу чиқишлар ёшлар томонидан катта қизиқиш билан кутиб олинади. Ана шундай ҳаяжонли лаҳзаларга бой бўлган «Қўл жанги устаси» мусобақаси Чирчиқ шаҳрида жойлашган ҳарбий қисмда бўлиб ўтди. Тошкент ҳарбий округи чемпионатида қатнашган 10 та жамоа қўл жанги санъатининг турли жанговар кўринишларини мухлисларга намойиш этишди.

Мусобақа низомига кўра, жамоалар берилган вақт давомида яққақураш спорт турлари усулларини ўзида намойиш этган чиқишлар орқали шартли душман гуруҳи ва ноқонуний қуролланган тўдани зарарсизлантириш машқларини бажардилар. Ватан ҳимоячилари томонидан намойиш этилган бир-бирдан қизиқарли дастурлар чирчиқлик ёшлар ва томошабинлар томонидан олқишлар билан кутиб олинди.

– Ўғлимиз Достонни кўриш учун у хизмат қилаётган ҳарбий қисмга боргандик. Хизматдошлари билан мусобақага кетишганини айтишиб, ҳарбий қисм манзилини беришди. Тасодифни қарангки, шундай ажойиб мусобақанинг гувоҳига айландик. Достон ва унинг жамоадoshiлари чиқишини зўр ҳаяжон билан кузатдик. Ҳаво-десантчилар шарафини ҳимоя қилган «Бургутлар» жамоаси биринчи ўринни қўлга киритганидан жуда мамнун бўлдик. Негаки, ўғлимиз ҳам айнан десантчи сифатида юртимиз тинчлигини қўриқлашдек шарафли бурчни адо этиб келмоқда, – дейди сирдарёлик Достон Акбаровнинг отаси Равшан Қамбаров.

ТЕГИШЛИ ҚАРОРЛАР ҚАБУЛ ҚИЛИНДИ

мурий секторлар ташкил этилди. Бу борада белгилаб берилган вазифалар асосида ҳарбий-маъмурий сектор фаолиятини ривожлантириш ишлари ҳар йили босқичма-босқич амалга оширилмоқда. Хусусан, 2020 йилга белгиланган «Йўл харитаси» асосида ўтган йили 20 та объектда маҳаллий бюджет маблағлари ҳисобидан қурилиш-таъмирлаш, Мудофаа вазирлиги маблағлари ҳисобидан 2 та объектда капитал таъмирлаш ишлари олиб борилди. Шу билан бир қаторда, Шимоли-ғарбий ҳарбий округ ҳарбий хизматчилари ва Миллий гвардия ходимлари учун жами 90 хонадонли 5 қаватли 3 та тураржой бинолари фойдаланишга топширилди.

2021 йилда ҳам ҳарбий-маъмурий сектор фаолиятини ривожлантириш мақсадида «Йўл харитаси» ишлаб чиқилиб, Жўқорғи Кенгес Президиуми қарори асосида тасдиқланди. Белгиланган «Йўл харитаси» асосида жорий йилда Шимоли-ғарбий ҳарбий округ, Миллий гвардия ва Давлат хавфсизлик хизмати Чегара қўшинларининг бир қатор объектларида қурилиш-таъмирлаш ишларини олиб бориш режалаштирилган.

Таъкидланганидек, жорий йилнинг 12 январь куни Президентимиз раислигида ўт-

казилган Хавфсизлик кенгашининг кенгайтирилган йиғилишида давлатимиз раҳбари томонидан ҳарбий таълим тизимида бошланган ислохотларни узвий давом эттириш, олий ҳарбий билим юртлари, лицей ва коллежлар, жумладан, «Темурбеклар мактаби» ҳарбий академик лицейлари фаолиятини такомиллаштириш, уларда таълим олаётган ўқувчилар қалбида миллий руҳ, она Ватанга меҳр ва садоқат, адолат туйғусини чуқур сингдириш, Қуролли Кучларда яратилган замонавий инфратузилмадан фойдаланган ҳолда уюшмаган ёшларни ҳарбий-ватанпарварлик руҳида тарбиялаш билан бирга, меҳнат бозорида талаб қилинадиган касб-хунарга ўргатиш бўйича ишларни ташкил этиш сингари бир қатор аҳамиятли вазифалар белгилаб берилди.

Бугунги кунда ушбу топшириқлар ижросини ўз муддатларида ва сифатли бажарилишини таъминлаш юзасидан соҳа раҳбарлари билан ҳамкорликда ишлар ташкил этилмоқда.

Кун тартибидеги масалалар бўйича депутатлар тегишли қарорлар қабул қилишди.

Шимоли-ғарбий ҳарбий округ
матбуот хизмати

МУСОБАҚА ҒОЛИБИ КИМ?



Мусобақа якунига кўра, «Бургутлар» жамоаси «Қўл жанги устаси» беллашувининг иккинчи марта ғолибига айланди. Ҳазалкент ва Ангрен шаҳарларида жойлашган ҳарбий қисмлар шарафини ҳимоя қилган жамоалар иккинчи ва учинчи ўринларни эгалладилар. Ғолиб ва совриндор жамоаларга Тошкент ҳарбий округи қўмондони полковник Зокир Сайфудинов томонидан кубок, диплом ва қимматбаҳо совринлар топширилди.

Асрор РЎЗИБОЕВ



BOLAJON



MO'JIZALAR QISHLOG'I



Siz bizning qishloqni bilasizmi, yo'qmi? Lekin men juda yaxshi bilaman. Nega deb hayron bo'layotgandirsiz-a? Negaki, men shu yerda tug'ilganman-da. Qishlog'imiz juda g'aroyibotlarga boy. Har qadamda turli voqea-hodisalar sodir bo'lib turadi. Bir kuni Go'zal ismli dugonam bizga o'zi ko'rgan voqeani aytib berayotganda, o'z-o'zidan o'ng qulog'i kattalashib ketdi. Filning shalpanq quloqlarini ko'rgansizmi-a? Ha, Go'zalning qulog'i ham xuddi filning qulog'iday osilib qoldi. Biz dugonalar uning qulog'ini ko'rib, hayratdan qotib qoldik. Keyin bilsak, bu hol yolg'on gapirayotganidan ekan. Gapining yolg'onligini o'zi aytdi. Go'zal yolg'on gapirgani uchun bizdan uzr so'radi. Ammo qulog'i joyiga qaytmadi.

- Bizga aytgan yolg'on gapingni rostini aytib ko'rchi, - dedi shunda Gulchehra dugonamiz. - Zora shalpanq quloqlaring o'z holiga qaytsa.

Go'zal rost gapirgan edi, o'ng qulog'i o'z holiga aytib, chap qulog'i bilan teng bo'ldi.

Bu qishlog'imizda sodir bo'lgan birinchi voqea edi. Endi ikkinchi voqeani eshiting!

Go'zalga o'xshagan Laylo ismli dugonam bor. Ammo u Go'zaldan ikki yosh katta. Biz Laylo bilan yon qo'shnimiz. Shuning uchunmi, o'rtada devor yo'q. Laylolarning uyi biznikidan ko'rinib turadi. Bizning uy ham Laylolarga ko'rinadi. Gullarimga suv quyish uchun hovliga chiqsam, Layloning onasi qiziga ish buyurayotganini eshitib qoldim. Laylo tabiatan qaysar qiz-da, onasining aytganini qilmay, gapiga gap qaytarayotgan edi, birdan beligacha yetadigan kokillari o'z-o'zidan uzilib tushdi. Boshida bir tola ham soch qolmadi. Dugonamning ahvolini ko'rib dastlab qo'rqib ketdim. Keyin kulгим qistadi. Ammo o'zimni tiyib turdim.



- Ajab bo'libdi, - dedi onasi qizining bu ahvolini ko'rib, - onaga gap qaytarganning ahvoli shunday bo'ladi!

Laylo onasining gapini eshitib ho'ngrab yubordi. U ikki qo'li bilan kalboshini changallab olgancha, nima qilishini bilmas edi. So'ngra o'ylay-o'ylay xayoliga bir fikr keldi. Onasining yoniga borib, kechirim so'radi. Ona baribir ona-da, boshqa gap qaytarmasligini, agar yana gap qaytarsa, bundan ham battar bo'lishini tushuntirib, qizining boshini silay boshladi. Xuddi

o'sha payt yerda yotgan qop-qora sochlar qushday yerdan ko'tarilib, Layloning boshiga qo'ngandek bo'ldi. Onasi kechirgani uchun kokillar joyiga qaytganini ko'rib, angrayib qoldim. Laylo onasini quchoqladi. Men ham uy ichkarisida ko'rpa qavib o'tirgan onajonim oldiga yugurib kirib, mahkam quchoqlab oldim.

O'g'il bolalardan ham ozmi, ko'pmi do'stlarim bor. Sizlarga ta'riflab o'tirmayman. O'zingiz o'qib, kimning qandayligini bilib olasiz.

Bir kuni Alisher uy vazifasini yaxshi bajarmagani uchun ustozimiz uni rosa koyidi va kundaligiga katta qilib "ikki" baho qo'ydi. Alisher uy vazifasini qilmaganidan qattiq afsuslandi. Darsdan keyin qizlar bilan ketayotsam, orqamizdan kelayotgan Alisherning tushkun ahvolda ekanini ko'rdim. Dugonalarimdan ajralib, uning yoniga bordim. Unga dalda berayotganimda birdan orqamizdan Nodir sinfdoshimiz kelib qoldi. U:

- Alisher, bugun uyingga "ikki" olib borar ekansan-da, - deya xaxolab kuldi.

Nodirning bu qiligi' menga yoqmad.

- Nodir, uyalmaysanmi sinfdoshingning ustidan kulishga, - dedim shartta unga o'qrayib.



- Nimadan uyalishim kerak? Ikkichi-ku!

- Alisher ikkichi emas. Ikkichi bu - sensan! Sinfdagi ikkichilar sardorisan! - deb unga ko'zlarimni katta-katta ochib, baqirib berdim. Nodir gaplarimga parvo ham qilmadi. U battar Alisherning ustidan kula boshladi.

- Alisher ikkichi, ikkichi... Uy vazifasini bajarmagan ikkichi, - deya kula-kula yugurib ketdi. Ko'zimning qiri bilan qaragam, Alisherning ko'zlaridan yosh oqyapti. Birinchi marta o'g'il bolaning ko'z yoshini ko'rishim edi.

- Sinfdosh, qo'y, xafa bo'lma, sen ikkichi emassan. Faqat bugun ikki olding, xolos. Nodir sening ustingdan kulgandan ko'ra o'zini bilsin. Uni haqiqiy ikkichi desa bo'ladi.

Shunga o'xshash gaplar bilan yupatib kelayotsam, Nodir yana yugurib kelib, yo'limizni to'sdi. Hozir bu yana Alisherni xafa qiladi, deb ichimda o'yladim. Ammo unday bo'lmadi. U Alisherdan kechirim so'radi. Negaki, yo'lda ketayotsa, birdan tishlari tushib qolibdi. Qaragam, og'zida bitta ham tish qolmabdi! U zo'rg'a soqovlanib, qilgan ishidan, Alisherning ustidan kulib, ko'ngliga ozor yetkazganidan juda afsusda ekanligini aytdi. Alisher Nodirning bu ahvolini ko'rib, hech nima demadi. Nodirning ustidan kulsa bo'lar edi, lekin Alisher unday qilmadi. Do'stining ahvolini ko'rib, uni kechirdi. Nodir esa rahmat aytgancha tishi to'kilib qolgan joyga yugurib ketdi. Kechirim so'rganligi uchun Nodirning og'zida yana tishlari paydo bo'ldi. Bizning qishlog'imiz shunaqa, shunga o'xshash mo'jizalarga boy. Aytgich, sizning qishlog'ingizda ham shu kabi mo'jizalar bo'lib turadimi?

S. HAYITBOYEVA

JUFTINI TOPING



SURATNI BO'YANG



ЁШЛАР СИЁСАТИ – АМАЛДА

Ўзбекистон ёшлар иттифоқи Тошкент вилоятидаги ҳарбий қисм ва муассасалардаги ёшлар етакчиларининг III форумига Юқори Чирчиқ туманидаги «Миллатлар дўстлиги» маданият саройи мезбонлик қилди.



ЕТАКЧИЛАР ФОРУМИ БАЙРАМДЕК ЎТДИ

Саҳнаю ҳовлиси байрамона безатилган сарой шу куни вилоятдаги ҳарбий қисм ва муассасаларнинг илғор етакчиларини бир даврага жамлади. Ҳарбий оркестр садолари ҳамда амалий ва тасвирий санъат намуналари кўргазмасидан сўнг форум иштирокчилари мухташам залга таклиф этилди.

Тошкент ҳарбий округи ва Ёшлар иттифоқининг вилоят кенгаши ҳамкорлигида ўтказилган тадбирда ҳарбий округ қўмондонининг ўринбосари полковник Бахтиёр Уролбоев, Ўзбекистон ёшлар иттифоқи марказий кенгаши ҳарбий қисмлардаги бошланғич ташкилотлар фаолиятини мувофиқлаштириш бўлими бошлиғи майор Улуғбек Фаттоҳов, Ёшлар иттифоқининг вилоят кенгаши раиси Шохруххон Иномхонов сўзга чиқиб, армия сафларида ёшларни ҳарбий-ватанпарварлик руҳида тарбиялаш ишида улар билан елкама-елка ишлаётган етакчиларнинг келгуси фаолиятига зафарлар тилади. Шунингдек, Ёшлар иттифоқининг ҳарбий қисм ва муассасалардаги бошланғич ташкилот



етакчиларининг 2020 йилда олиб борган ишлари сарҳисоб этилиб, бошланғич ташкилот самарадорлигини оширишга муносиб ҳисса қўшаётган бир гуруҳ етакчилар рағбатлантирилди. Жумладан, Чирчиқ олий танк қўмондонлик-муҳандислик билим юрти бошланғич ташкилот етакчиси капитан Ғофиржон Деҳқонов «Йилнинг энг намунали бошланғич ташкилот етакчиси» номинацияси бўйича тақдирланган бўлса, Тошкент ҳарбий округига қарашли ҳарбий қисм бошланғич ташкилот етакчиси Бехруз Ашуров «Йилнинг энг илғор маданий-маърифий ва ҳуқуқий тарғибот йўналиши сардори» номинациясига муносиб кўрилди.

Миллий гвардия тасарруфидаги ҳарбий қисм ёшлар етакчиси Улуғбек Обидов «Йилнинг энг илғор омма-

вий спорт ва саломатлик масалалари йўналиши сардори», Миллий гвардия Тошкент вилояти кўриқлаш бошқармаси отряд бошланғич ташкилот етакчиси Сарвар Бўрибоев «Йилнинг энг илғор ижтимоий-иқтисодий йўналиши сардори», Давлат хавфсизлик хизмати Чегара қўшинларига қарашли ҳарбий қисм бошланғич ташкилот етакчиси Бобомурод Тиламов «Йилнинг энг илғор «Устоз-шогирд» йўналиши сардори» номинацияси бўйича совриндор бўлди.

Форумда ёшлар етакчиларини йил давомида қўллаб-қувватлагани учун қатор ҳарбий қисм командирлари, давлат ва жамоат ташкилотлари вакиллари тадбир ташкилотчиларининг ташаккурнома ва қимматбаҳо совғалари билан тақдирланди. Истеъдодли хонандаларнинг мусиқий чиқишлари байрамдек ўтган форумга янада файз бағишлади.

Дилшод РЎЗИҚУЛОВ,
«Vatanparvar»



VATANPARVAR

Муассис:



ЎЗБЕКИСТОН
РЕСПУБЛИКАСИ
МУДОФАА
ВАЗИРЛИГИ

www.mudofaa.uz

Бош муҳаррир:

майор
Аҳрор Очиллов

Навбатчи:

Дилшод Рўзиқулов

Саҳифаловчилар:

Нодирабегим Валиева
Дилноза Мелиқўзиева

Мусахҳиҳлар:

Сайёра Мелиқўзиева
Сайёра Мирзаева
Мастура Қурбонова

Телефонлар:

котибият: (71) 260-36-50
бухгалтерия: (71) 260-35-20
юримлик бўлим: (71) 269-88-91
факс: (71) 260-32-29

ISSN 2010-5541

Таҳририятга келган қўлёзмалар тақриз қилинмайди ва муаллифларга қайтарилмайди. Мудофаа вазирлиги Ахборот ва оммавий коммуникациялар департаменти – «Ватанпарвар» Бирлашган таҳририятнинг компьютер марказида саҳифаланди.

Газета Ўзбекистон Матбуот ва ахборот агентлигида 2008 йил 6 июнда 0535 рақами билан рўйхатга олинган.

Газетанинг етказиб берилиши учун обунани расмийлаштирган ташкилот жавобгар. Муаллифлар фикри таҳририят нуқтаи назаридан фарқланиши мумкин.

Буюртма: г-205.
Ҳажми: 6 босма табоқ.
Бичими: А3.
Адади: 34 909 нусха.
Босишга топшириш вақти: 14:00.
Топширилди: 14:30.

БИР ЧИМДИМ

Гавҳар балчиққа
тушгани билан қиймати
камаймас, эшакмунчоқни
тожга таққан билан
феруза ўрнини тутмас.

Алишер НАВОИЙ

БИЛАСИЗМИ?

«Мен ким фалончи! Бундан буён на оғзаки, на ёзма равишда бу жумлани тилга олмайман. Давлат ва дин раҳбарлари олдида қасам ичиб айтманки, мен бу жумлани ҳеч қачон айтмаганман ва айтмайман ҳам. Бундан кейин бу фикрни яна илгари сурсам, тавқи-лаънатга учрай. Рим. Минерво ибодатхонаси. 22 июнь 1633 йил. Имзо». Бу имзонинг ўрнига яна ўша жумла – фикрни ёзади. У ким ва яна қайта қайси жумлани ёзган?



Жавоб: «Галилео Галилей», «ити ислаеси эди»

БИЛАСИЗМИ?

У илк бор XV аср охирларида Перунинг маҳаллий аҳолиси бўлган инклар чақмоқ ва момақалдиқроқни «иллапа» деб аташарди. XV аср охирларида Перуга олиб келинган бир буюмга ҳам улар «иллапа» деб ном беришади. Улар яна нимани иллапа деб атай бошлашган?



Жавоб: «Милтик»

КЕЛГУСИ СОНЛАРДА:

Франциялик курсант
Қуролли Кучлар
академиясида
таълим оляпти

Газета жума куни чиқади. Газета 1992 йилнинг 24 июнидан чиқа бошлаган.

Нашр кўрсаткичи: 114. Баҳоиси: келишилган нархда.

«Шарқ» нашриёт-матбаа акциядорлик компаниясида чоп этилди. Босмахона манзили: Тошкент ш., Буюк Турон кўчаси, 41-уй.

1 2 3 4 5 6

Манзилимиз:
100164, Тошкент,
Университет кўчаси, 1-уй.